



Oration an alle Churfu?rsten, Fu?rsten, und Stende des Reichs, : Von des Bapstumbs auffkomen und abnemen, auch von seinen Practicken, und was man sich endlich, diser Zeit, z? jm versehen soll.

<https://hdl.handle.net/1874/404596>

**Oration an alle Chur
fürsten/Fürsten/vnd Stende
des Reichs/**

**Von des Papstumbs auffkommen
vnd abnemen/auch von seinen Practicken/
vnd was man sich endlich/diser zeit/
zu im versehen
soll.**

**Jetzt Newlich außgangen / durch
Baptistam Lasdenum.**

M. D. XLI.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.

Handwritten text, likely bleed-through from the reverse side of the page. The text is mirrored and difficult to decipher.

Gracion an alle Churfürsten/
Fürsten/vnd Stende des
Reichs.

Wiewol es bei erlichen / als eyn
onnötigs ding / geachtet werds
en möcht / Gnedigste vñ Gned-
ige Herren / das sich yemandt nidern stands vn-
dernimpt / gegenwertige Ermanung an Ewere
Chur vñnd Fürstliche Gnaden zū rñm / die auß
Hohem verstandt alle sachen bas ergründen / auch
mit so vilen trefflichen iren Rädren vñd dienern
versehen seind : Demnach in erwegung deren wi-
derwertigen handlung vñd werbungen zwischent
allen Stenden Teurscher Nation / auch deren ge-
fährlichen practicken / so auß sie getriben werden /
hab ich / zūm ersten / auß vnderthänigster meyn-
ung zū E. Ch. vñd F. Gnaden / vñnd volgendts
auß natürlicher eingebornen liebe zūm Vaterland
nit sollen vmbgehen / erliche ding trewer meyn-
ung anzūseygē / mit vnderthänigster bitt / E. Ch.
vñd F. G. wöllent solchs von mir / obgemelter ve-
sachen halben / in allen gnaden aufnemē.

Die Heldin Medea / danon die Poeten so
vil geschriben / beklaget sich ihres onglücks / sagt ne-
ben andern also : Ich sehe wol eynen andern weg /
eynen andern radt / d mir ongleich besser / ehlicher /

vnd nützer were: Ich sehe in / vnd er gefelle mit
überaus wol / vnd dennoch volge ich im nit / son-
der volg dem / das inn allem wider mich thüt.
Es ist nit on / Gnedigste vnd Gnedige Herren /
das auch heutigs tags etliche vil sehen vñ merck-
en / was zu gemeyner Teutscher Nation wol-
fart dienet / vnd dennoch demselben Keynen vernolg
thün / sonder durch nachlassenheyt die ding inner-
dar verschleyffen / vnd dencken / es werde noch mit
der zeit wol komen / so sie doch klärlich sehen / wie
es ye lenger ye ärger wirdt.

Vnd anfanglich / haben sich E. Ch. vnd F. G.
gnediglich zu erinnern / nach dem das Imperium
oder Reich / von andern Nation / durch Götliche
versehung auf vns gewendet / das wir in sorgen
stehen müssen / dasselb werd etwa widerumb von
vns anderßwo hin gelangen / wie es dann von
Friedenland auf die Römer komen / deren an-
fang doch so gering gewesen / das / wo mans Göt-
licher versehung vñ macht nit alleyn zuschreibet /
bei menschlichem verstandt schier unbegreiflich
ist / wie es eynen fürgang hat mögen gewinnen.

Vnd ist die warheyt / das sie anfanglichs iren
nachburen gewalt vñ onrecht gethan / nit alleyn
mit einnehmung des lands / sonder auch mit ge-
waltsamer angreiffung vnd beraubung irer töch-
ter vnd weiber / haben also den vmblickenden vrs-
sach geben zum krieg. Vnd dieweil sie gar selten
ichts

ichrs verloren / sonder in erdar zūnemen / ist ire
macht so groß worden / das sie auch mit gantzen
Italien nit zū Friden / sonder auf andere weitere
Nation / auf Hispanien / Franckreich / Teutsch
land / ia über meer / Africam vñ Asiam angriffen.
Welche krieg sie zūm theyl auß mütwillen gefür
er / zū etlichen andern seind sie auch genötigt word
en / vnd fürnemlich von den Carthaginensern / die
sich vnder iren deren Römer gewalt vñnd gepiet
nit alleyn nit wolten lassen zwingen / sonder auch
wolten über sie herrschen / vnd das Imperium an
sich bringen. Welches inen doch übel gerathen /
diewel es von Got also ongezweifelt verordnet
war / dz deren Römer Imperium das gewaltigst /
vñ daneben seine bestimpte zeit der regierung hab
en solt. Also wüdtz befunden / das sie die Ober
kreyt mit gwalt an sich bracht / vnd volgendts alle
zeit mit krieg vnd gwaltsamer hand erhalten / vñ
wo es erwa geschwächt / widerumb zū sich gerissen
haben / bis / vnd so lang / die von Got verordnete
vnd in der schrift gemelte zeit vmb gewesen / vñnd
eyn ander haupt Neben dem Römischen kreyser
erwachsen. Welchs Nebenhaupt dennoch an
fenglichs gar hüpsch gefaren / vñnd sich nit ders
massen erzeyget / als ob es dem Erste haupt ichts
gedächt abzubrechen / sonder hat sich nur alleyn
des kirchen ampts vndernommen / vnd so lang es
sich damit alleyn bekümmert / haben die Römische

Keyser/das ihenig/so an sie von iren vorfaren
komen war/bewaret vnd erhalten/zum theyl
auch vermehret/vnd sich vor dem feind allezeit ge
nügssam versichert.

Darnach hat dis Nebenhaupt/welches an
fenglich gar keynen schein noch gestalt hat eynes
zukünfftigen haupts/vnder dem schein der geyst
lichen Administration/anfahen zutrachten/wie
es im solche vermeinte heyligheyt möchte zu
nutz machen/hat derhalben bei dem weltlichen
Haupt/dem Keyser/angehalten vmb den Primat
oder Oberkeyt über den Geystlichen standt/zü er
langen/auf solchem grund vnd geferbter vrsach/
dieweil Rom allezeit das haupt der welt/vnd da
zumal der Christenheyt geachtet/were ia billich/
das eyn Römischer Bischof grösser geachtet vñ
gehalten würde/dann andere.

Dises haben sie zum ersten nit mögen erhalt
en/ob vülleicht die Keyser nit gar hetten wollen
darwider sein/aber andere Nation/in sonderheyt
die Africanische/auch Kriechische Bischof/wolt
en keyns wegs darein verwilligen/vñ theten auf
ire Recusation gnügssamen Bericht an die Keyser/
dermassen/dz diser mißhell lange zeit beharret on
geendet/vnd wolten die außlendige Bischof dem
Römischen gar keynen gehorsam leyssen/sonder
hielten inen/wie er dann auch nit anders war/als
iren mitbrüder vñ gleichmässigē. Nit desto weniger
hat das

hat das Nebenhanpt nit vnderlassen anzuhalten
vnd hat so weit gehandelt/bis zum letzten der Key-
ser Phocas darzu verwilligt/vnd jm den Primar
bestätiget.

Hiermit solt er nun gesezt sein gewesen/vnd
man möcht sagen/Es were nit so gar vil daran
gelegen/wenn er solchen gewalt recht/vnd wie
billich/in sanfftmutigheyt/vnd freuntlich/über die
andern/als seine mitbrüder gebrauchet. Aber die
weil er so vil iar/on vnderlassen/so hefftig dar-
umb angesücht/solchs muß freilich auß Keynent-
löblichem vornemen geschehen sein. Vnd weiß
jm der Keyser auß eygener Bewegniß vnd son-
derlicher militäryt oder gunst geschencket/solt er
dennoch allerley bedencckens darauf gehapt/vn-
diueil er eyn Geysstlicher Vatter sein wolt/des
spruchs sein eingedeckert gewesen: Welcher vn-
der euch der grössert sein will &c.

Als man jm nun geholffen/das er über alle
andere Prouinzen möcht gepietzen/hat er die
ohren gespizet/vnd weiter getrachtet/des züner-
sehens/vnd gewislicher hoffnung/diueil deren
Christen glaub/in solchem grossen ansehen/vnd
8 Priesterlich stand so hoch geachtet war/er würd
vnder diesem schein wol etwas mehr außbringen/
hat dennoch gnuach than/vnd deren Fürsten ges-
müter hüpschlich vnderfüchet. Nun die Keyser
haten von des Constantini zeit/iren Keyserlichen
sesse ge

fefs gemeynlich in Triechen landt / hat sich demo
nach Begeben / das er (Das Nebenhaupt) mit
dem Keyser oneynig worden / züm teyl auß vrsach
en / das der Keyser bevolhen hat / die Götzen vnd
bilden auß den Kirchen züt hün / darwider sich das
Nebenhaupt gar ernstlich gesetzer / vñ den Keyser
verbanner . In selber zeit hat sichs zügetragen /
das obgenant Nebenhaupt mit Krieg von den
Lombardern überfallen ward / welchen er nicht
mehrtig gnüg war / dieweil jm / 8 Keyser / von weg
en gemelter oneynigheyt / Keyne hilff züschieket .

Als er nun vermercket / das solche grosse deuot
tion in die Keyser noch nit wolt / vñnd das jm die
weltliche Oberkeyt wider hielt / vñnd sich nit also
wolt lassen zwingen / sonder wolt erkant sein als
der ihenig / der jm (dem Nebenhaupt) zü solcher
ehren geholffen hat : Ist er mit seinem hauffen zü
radt komen / vñ gedacht / er wolt sich auß solchem
eygenthumbt thün / wolt des Keyfers lehenmann
fortan nit mehr sein / es were ia onbillich / das er /
eyn solcher Prelat / yemandt über sich erkennen
soll / er wolts wol ongleich bass machen / wolt eyn
en andern erwecken vnd auffsetzen / der das härlin
vor jm würd abziehen / denselben wolt er mit der
Keyserlichen Kronen begaben / darauff dann würd
volgen / das der new angezogener Keyser / jm / vñnd
seinen nachkomenden / im erdar würd müssen ver
pflicht sein .

Disen

Sisen anschlag hat er ins werck bracht / hat
in Occident an den König auß Frankreich ge-
schriben / hilff an in begert gegen seine feinde die
Lombarder. Sie hilff ward im zugeschickt / vom
vater vnd sun Carolo Magno / welcher auch die
feind auß Italien vertriben. Vnd dise grosse wol-
thar widerüb zu vergelten / hat er seinem vorigem
rath vnd anschlag nach / obgenanten Carolum /
Römischen Keyser genant / außgeruffen / vnd ge-
krönet / vñ daneben eyn ewige Bündnis mit im
aufgericht / mit angehefter ordnung / dz seine nach-
komende alle zeit ires Bischüflichen gewalts be-
stätigung vñ Keyser solten empfangen / nach altem
gebrauch vñ gewonheit / welches doch nur eyn spie-
gelschreyen war / wie volgendes soll gesagt werden.

Also ist komen / das dis Nebenhaupt / welches
es anfänglich so gar nichts / sonder durch sein on-
nachlässig anhalten von der weltlichen Oberkeyt
berfür gerucket vñnd aufgesetzt war / das erste
Reichthaupt (dem es alle seine wolfact schuldig
war) außgebissen / vñ sich eynen neuen / onerhört
en vnd vermessen gewalt angemasset hat / nam-
lich / wider die alte lobliche Reichs ordnung / eyns
en andern Keyser / nach seinem wolgefallen vñnd
mitwille alleyn zü erwölen / vñ die gerechtikeyt / so
dem Römischen volck vñ Rath / auch volgendes
des Reichs Hauptleuten zugehöret / hat er sich
freuenlich alleyn zugeeeyget / vñnd das Reich zer-

B trennet

renner. Nun ist wol zu gedencken / das Carolus /
der on das eyn großmechtiger Herr war / vnd sonst
eyn yeder / dem solchs Her mögen gelingen / nur
überaus wol zu friden war / das solcher grosser ge-
walt vñ ehr / im zügestellet war. Vñ hat dennoch
in dem / das Nebenhaupt / seinen müt gegen dem
Orientischen Keyser gekület / vnd wenn ihener Her
wöllen zornig sein / eynen schützherrn am Carolo
gehapt / daneben hat er im vnd seinen nachkom-
enden den weg bereyret / künfftige Römische Key-
ser zu setzen / vnd im dieselben von wegen solcher
wolt hat verpflichtet.

Senn es were ia dem new aufgesetzten Keyser
verweisslich / nit alleyn nichts wider den ihenen zu
thun / daher im solche ehr vnd dignitet entstande
en / sonder auch sich nit danckbar züerzeygen / vnd
solchs zu allen zeiten mit gehorsamen diensten zu
vergeltten. Ihener außgebissener Keyser hat bil-
liche vrsach / dem Nebenhaupt seine ondankbar-
keyt zu verweissen. Aber der yetzgemachte Keyser
hat gar keyn vrsach er was zu verweissen / sonder
eben das widerspiel / vnd war seinen woltbäter ge-
horsamlich zu erkennen pflichtig. Vnd wiewol
dem Carolo die ehr zügelassen ward / das gemelt
Nebenhaupt vnd seine nachkomende / tres ampts
bestätigung vñ im solten empfangen / so ist es doch
im grund nit also gemeynt worden / denn eben der
nachst nach dem Leone hat obgenante ordnung
vernichtet

vernichtet/ vnd sich widerumb in freikeyt errettet/
in allem zu thun nach seinem wolgefallen/ vñ der
Keyserlichen Confirmation gar nit zu erwarten/
wie sie dann auch deren Keysern Legaten/ so sich
etwan zur zeit der newen Election daselbst fundi
en/ mit dazü beruffen/ sond inen gsagt/ iren Herren
anzuseygen/ das sie mit solchen dingen gar nit zu
thun hetten. Vnd habens bei dem Keyser Ludo
uico erlangt/ das er auch cyn verschreibung von
sich geben hat/ wo sie anders von inen selbs nit ge
dichtert ist. Wol ist's war/ das etliche Keyser darwi
der gestrebt/ vñ den alten brauch angezogen. Aber
doch haben sie nachgelassen/ vñ ist gleublich/ das
sie es haben auß deuotion/ vñ vermeyntem Gots
dienst gethan. Daneben habē sie allezeit müssen
hören: Lieber/ wer hat euch zu Monarchen vnd
Keysern gemacht? was seind jr vorhin gewesen?
Kompts nit vō vns? Es ist ye Keyser grösser laster
dann ond anckbarkeyt/ jr sollent vns billig erken
nen als ewere grosse woltbäter vñ woluerdiente.
Wir lassen euch Keyser sein/ diewel wir es an euch
bracht haben/ Aber auch lassent vns zu/ das wir
vnser Ampt vñ Preeminenz on all beschwernüs
mögen brauchen/ vñ solchs haben wir von rechts
wegen billich an euch zu fordern. Auch reimet es
sich nit/ das jr/ so das schwert fürent/ vnd der leib
lichen regierung vorstehent/ euch in geistliche sachs
en einlassent. Haben sich etwan villeicht weiters

lassen vermercken/vnnd die Keyser habens auch
Bei jnen mögen erachtē/wo sie jnen nit zūgefallen
wären / sie würden das Keyserthumb anderswo
hin wenden / zū welchem sie (die Keyser) anders
Keyn gerechtikeyt hatten / dann durch gemelten
Nebenaupts angemachten gewalt. Derhalben
müsten sie der zweyer eyns thün/entweder bekennē
nen/das sie das Keyserthumb nit legitime inthroni-
ren/oder aber den jhenen / der sie newlich erwölet
vnd eingesetzt hat / wo nicht als jren Obersten/
dennoch als jren gleichmässigen halten / vnnd so
vil mehr/dieweil er eyn Geystlicher Vater war.

Wit diser gestalt ist das Imperium / so vorhin
eynzig war/zweifach worden / welchs doch wider
die natur ist/vnd nit bestehen kan / wie dann auch
beschribet/Senn es seind der Orientischer vnd Oc-
cidentischer Keyser gegen eynander verbittert/hat
Keyner den andern mögen leiden/vnnd in nitler
zeit hat die Mahometische Sect inerdar zūge-
nommen/vnd haben sich allerley seind zūgerrag-
en/die dem Römischen Reich (welchs vorhin ab-
le andere gezwungē hat) täglich grossen abbruch
therten / das jnen onmöglich were gewesen / ia sie
Bertens freilich nit dörffen vnderstehen/wo es bei
dem vorigen eynzigen Regiment piben wäre.
Vñ wiewol Carolus d Groß sich mit dem Orient-
ischen vnd alten Römischen Keyser vertritt / vñ
das Reich mit jm teylet / so hat doch solchs nicht
lang

lang bestehen/moch Keyn rechte liebe zwischen inen
vnd iren nachkomenden sein mögen. Vnd ist gez
melter zweyspalt nicht alleyn zwischen den herrn/
sonder auch zwischen den Orientischen vnd Occi
dentischen Kirchen gewest.

Solch sein spiel hat das new aufgewachsen
haupt angericht/damit es sich der weltlichen Ober
Keyt/die in zum herrn gemacht/entziehen möcht/
welche doch der Herr selbst/dieweil er mensch auf
erden gewest/erkennt hat.

Ein/an Keyser Carls erben ist das Reich eyn
zeitlang piben/welchs die Lombarder vnd Ita
lianer übel gehapt/vnd gedachten/Wenn es der
massen solt zugehen / so were es inen eben so wol
gelegen/als andern Nationen / vund welcher am
stercksten were/der würd wol Keyser piben. Hab
en sich demnach zusamen gethan/vnd Berenga
rium zum Keyser aufgeworffen / der auch zu feld
gegen Ludouicum Tertium aufzug/der schlacht
bei Welschem Bern obenlag/vund den Ludoui
cum vmbbracht. Vnd haben also gemelte Lom
barder das Imperium etliche zeit mit gewaltiger
hand ingehapt vnd erhalten. In disem hat sichs
zügetragen/das eyn Teutscher zum Bischöflich
en ampt zu Rom erwölet ward/der selb hat auch
gedacht/wie er seinem Vaterland möchte etwas
zü ehren thun/des er dennoch güte vergeltung wi
derumb hette/denn er mercket wol / so lang man

mit gewalt zum Keyserthumb griff/das sein ge
hör vnd autoritet fast kleyn sein würd. Vnd da
mit er dennoch plibe in der gewonheit vnd ange
maister possession Keyser zu wölen vnd abzusetz
en/vñ solchs in Keynen abbruch käme/hat er eben
das glück gehabt/das der Berengarius/der drit/
vnd der fünft/nach dem ersten Berengario/den
Adel in Italien gar zuwider hat. Dife gelegen
heit ereygt er/handler mit dem Adel/vnd volge
ends mit dem Hertzogen zu Sachsen Arbone
dem ersten/so lang vnd so vil/das er (der Arbo)
mit gewaltigem hauffen vnd heeres kraft in Ita
lien kam/den Berengarium verragt/vñ volgends
gen Rom zohē/umb die Keyserliche kron zu em
pfaße. Vñ damit den frembden Nationē der weg
beschlossen würd hinfürer an das Keyserthumb
zu kōmen/wards dahin bedacht/dz sieben Teutsch
er Fürsten dazu bestünpt vnd verordnet/solten ge
walt haben/eynen Römischen Keyser zu wölen.
Vnd damit er (das Nebenhaupt) sein selbs auch
nit vergäß/hat er auß seinem/dem Geystlichen
standt/drei dazu gebē. Sie nun diß am gelindesten
auflegen/sagen/es sei der meynung geschēhen/
damit die weltlichen/in solcher grosser wichtiger
sachen/mit geleerten/vñ inen gleichmessigen mit
hilffern versehen werē. Wie dem aber/so ist doch
im grund Keyner andn meynung beschēhen/dan
dz er seinen angezognen gewalt/Keyser vñ König
zu setzen

zu setzen/auch hiemit hat wollen bestätigē. Welchs
es ich doch zu Keyser verkleynung dem Hoch/
loblichen Geystlichen Churfürste will geredt habe
en/vnd ist meine vnderthänigste bitt / man wölle
mirs auch nit dahin deuten. Alhie werden onges
zweifelt erliche vil gedenccken/es sei recht / vñ werd
en dem Römischen Bischof eyn güts iar wünsch
en/der die Teutsche Nation mit solcher würden/
vnd kostlichem Kley nodt/wie das Reich ist/gezier
et hat. Das laß ich inen zu / vñnd were billich zu
straffen/vorab eyn Teutscher / der vnser Nation
solchs mißgünnet. Aber dahin ist mein zil nit ge
richt / sonder diß will ich einfüren/ das/nachdem
sich das Nebenhaupt eynmal hinein geflicket/vñ
sich des Reichs sachen vndernomen hat / seidher
ist das Reich imerdat ye lenger ye mehr zertrennet/
vnd nachdem es an die Teutschen komen/ ders
massen geengert/dz es schier nur eyn eitel namme
ist/denn da hats allererst recht angangen. Vor
hin war er (das Nebenhaupt) nichts/vñ müste
vnderthäniglich bei dem Weltlichen haupt vmb
den Primat zu erlangen/anhalten. Sarnach hat
er seinem woltäter / seinem rechten natürlichen
vnd lehen Herrn/wol gelonet/hat im den kopf ab
gebissen/vñ eynen andn aufgesetzt/dem er Keyns
fals verpflichtet ware / ia über welchen er zu gepietē
hatte. Vnd dieweil wir euch dahin bracht haben/
ir Herren/das wir nit alleyn vnser wahl / vnser
stils

stils vnd hauffens ganz gewältig seind / on das
ir eynige einrede dazü habent / sond auch das wir
schon in langer possession seind / euch auf vnd ab
zusetzen / vnuud yetzt newlich das Reich an euch /
durch vns vnd vnser mittel alleyn / komen / ist bil
lich / das jr solchs erkennen . Vnd wiewol durch
vnser verordnung / die wahl eyns Keyser an die
fiben Fürsten gestellet / dennoch züm zeychen vnd
ewigem bezeugnis / das dise grosse woltbat durch
vns komen / vnd auch das wirs macht haben / so
soll hinfürter / welcher von obgemelten Fürsten
erwölet ist / anders nit für eynen rechten Keyser ge
halten werden / er hab dann vorhin sein leben von
vns mit angeheffter pflicht empfangen . Disem
ist man auch also nachkomen / den eylich darnach
als das Imperium an die Teutschen gelangt /
haben sie eyn Edictum lassen aufgeben / eynen
offentlichen beuelch vñ Mandat / das alle zukünft
ige Römische Keyser / so bald inen imer möglich /
nach geschehener wahl gen Rom / oder wo es in
(dem Nebenaupt) gelegen sein wirt / komen solt
en / vmb daselbst ire Crönung vnd das leben von
im zu empfangen . Welchs sie bei den Orthonibus
vnd ersten Teutschen Keysern leichtlich erhalten /
diweil die woltbat noch frisch war . Das kan
aber eyn seltsame veränderung sein / Vorhin müß
ten sie den Keyser / vmb ires Kirchen ampts beuest
igung bitten / vnd yetz müß der Welt Haupt / von
Gor

Got eingesetzt/dem Got der Herr selbs/dieweil er
allhie auf erden gewesen/sein gerechtikeyt nie hat
wöllen verkürzen/des Nebenaupts/welchs sich
vnder dem schein der geystlicheyt in frembd ampt
eingetrungen hat/lebenman vñ vnderthan sein.
Vnd wie vorhin gesagt/die Orthoncs haben dazü
bewilliger. Nach den Orthonibus/ist das Keyser
thumb an die Schwäbische Hertzoge komen/die
auch grosse feindschafft mit dem Nebenaupt
gehapt/vñ namlich Keyser Friderich der erst dieses
namens. Welcher als cyn großmütiger/adelicher
vnd vernünfftiger Herr/solche onbillicheyt nit hat
können dulden/vnd dieweil im alle vorige hand-
lungen/auch wie d Römisch Bischof auffkomen/
vñ im disen grossen übergewalt angemasset hat/
wobewußt vñnd kündig waren hat er sich bestig
dawider gelegt/vñnd die Oberkeyt/dazü Got der
Herr in beruffen hat/on alle subiection wöllen
brauchen/vnd handthaben. Serhalben dann
das Nebenaupt ganz auf in ergrimmet/vñnd
war cyn tödtlicher hass zwischen inen/der auch ge-
weret hat schier dritthalb hundert iar/namlich vñ
Heinrico dem dritten/bis auf Keyser Ludwig
den vierden/Hertzogen in Beyern/auss keynem
anderen grundt noch vrsach/dan das dis Neben-
aupt im eynen onmenslichen gewalt über Key-
ser/Könige/vnd Potentaten anmasset/vnd täg-
lichs newe Mandat vñ ordnungen machet/vmb
C seinen

seinen gewalt zu befestigen / als da er schreibt / alle
Künigreich vñ Oberkeyten seien in seiner gewalt /
gehören im auch von rechts wegen zu / er sei der
recht lehenherr / vnd mög sie aufsteylen nach sein-
em wolgefallen. Welches er auch mit der that nit
eynmal erzeygt / vnd neben andern mit Keyser Fri-
derich dem zwayten / den er in seinen bann that / der
Keyserlichen Cronen onwirdig erkant / den Chur-
vnd Fürsten / auch allen Stenden / vñ sonst yeder
man beuolhen / obgemeltem Friderico keynen ge-
horsam zu leyten / den Churfürsten weiters beuol-
hen / eynen andern Keyser zu wölen / wie dan solchs
es in seinen Rechten clärlich außgetrucket / darün-
er auch dem hochloblichen Keyser Friderich / den
ersten / hefftig angreiffet / schmähet / vñ schier dem
Teufel gleichmacher. Was hat er volgendes ge-
than mit dem fromen Keyser Heinrich / dem sibend-
en / Herzogen zu Lützenburg / als er sich wägert /
im (dem Nebenhaupt) den eyd zu thun / damit
es ye von künfftigen Keysern nit dahin gedentet
wird / das der gewonlich eyd nit were Juramen-
tum fidelitatis / hat er obgedachten eyd weitleuff-
ig außgelegt / vnd dermassen specificiert / das keyn
lehenmann sich weiters verpflichten möcht / dan
sich eyn Keyser yetz dem Nebenhaupt / seinem al-
ten vorigen lehenmann / verpflichten muß / wenn
er die Cröning von im empfahet. Vnd derinn-
halt gemelts eyds ist diser künzlich / das 8 Keyser
wider

wider die Römische Kirch nimer ichs thun / sonder alle vnd yede ire privilegia vnd freyheiten solt handhaben / vnd helfen vermehren.

Nun aber vnder den zweyen / Privilegia vnd Freyheiten / oder dergleichen wörtern / was meyner er damit? Alles was sie von anfang ihres abgettelten Primats (welchs sich yetz über die neunhundert iar verlauffet) von Keysern / Königen / Fürsten / vñ andern Potentaten / von Bischöfen / Prelaten / vnd andern Stenden des Christlichen bezirks / mit falschem überreden / mit gedichten Donation / mit schendliche practicken / auch mit gewalt erlangt / versamlet vñd erobert haben / Item was sie noch hinfürter durch solche weg erobern würden / vñ darüber aufgerichtete Mandat vñd ordnung / ist alles darinn begriffen. Es kan freilich menschlicher verstand nit wol aussagen / mit was gestalt sie zu solchem reichthumb komen seind / vñ nit alleyn haben sie das Reich zertrennet / wie oben gesagt / sonder auch was in Italien noch übrig / vnd dem Reich zugehörig war / haben sie gewaltiglich eingenomen / vñ besitzens noch heutigs tags. Vnd solchs alles müß eyn Keyser / ehe er zur Crönung zugelassen wirdt / bei seinen ehren vnd trewen schweren vñ geloben zu handhaben / vnd nimer darwider zu thun. Wem thut er aber solchen eyd / vñ knechtliche verpflichtung? Dem ihenen / den seine (des Keyser) vorfaren zum

Herren gemacht: dem ihenen/der seine vorsehen mit
schelten/mit schmähen/ mit absetzen/mit vertreib
en/allerley marter vnnnd Herzleyd angethan hat:
dem ihenen/der weder Keyser noch Keynem Poten
tat auf erden hold ist/sonder alleyn/vnnnd über all
herrschen will: dem ihenen/der oft eyn bekant
er offentlich er büß ist/der mit gewalt/mit blüt
uer gießen/mit gift/mit hürerei/als mit schwe
ster vor bit/ia wol durch die Necromancei/zü
ditem ampt Kompt. Von solchem feinem
gesellen muß der Welt haupt das leben
empfehen.

Weiters / vnder obgemelten wörtern (Röm
ischer Kirchen Privilegia vñ Freyheiten) werden
auch begriffen alle seine (des Nebenhaupt) Se
creten vñ Edict/dardurch er die leut auf seine Ab
göttliche ler getrungen / vnnnd sich also nit alleyn
deren menschen güter / sonder auch ierer gewissen
vnd hertzen (vmb des gelts willen) eynen Herrn
gemacht hat / denn er ia selbs schreibt / vnd seine
henschler/die Canonisten/Glosirer bewerents/das
er / die heylige schrift außzulegen / zü weitem / zü
engern/zü verändern/vñ zü lndern/alleyn macht
hab/Er hab gewalt alle menschen zü vrtreyn/
vnd mög von niemands geurteylt werden. Vnd
wer kan alles sagen / das er zü benestigung seines
angezogenen gewalts hat dörfen gepieten vnnnd
schreiben/vnd wo er es nit geschriben/dennoch mit
der that/etliche hundert iar/in vganzen Christen
heyt

heydt überschwencklich geübt hat. Solchs alles
vnd was darinn noch weiters möcht begriffen
werden/muß er schweren zu handhaben/vñ nimt
er darwider zu thim/noch keynem solchs gestattē.

Das ist nun seydt/damit er die keyser zwingē
et vnd reitet/wie er selbs will/vñ hat jm nur recht
gethan/denn nach erlangtem Primat ist jm von
nöten gewesen/hat er anders wollen nützung da
von haben / eyn ganze newe lere aufzurichten/
Denn er hat wol gemercket / wo er Christus ler
vnd leben het sollen nachfolgen/er het sich nach
dem spruch des Apostels / mit eynem geringen
müssen lassen benügen. Darumb / nach dem er
seine Kasten voll / hat er sich mit seinen Secreten
vnd newen satzungen dermassen vergraben/ver
sperrēt/beschlossen/vnd verbollwerckēt / das keyn
gewaltiger in beschädigen mag/er wölle dan / als
trewlos vnd meynerdig / von jm gescholten sein.
Vnd dis schelten/ia wol vil grössere laster vnd
schmach / haben vil fromer hochloblicher keyser/
Künig/Fürsten/vnd andere/von jm müssen hör
en/die jm doch nit seine ler angriffen / sonder sich
alleyn wider seinen Tyrannischen müßwillen auf
läbneten/vñ auß rechtem adelichem gemüt / das
gebiss nit wolten ins Maul nemen/welchen seinen
widerstrebenden er doch gemeynlich durch ongöt
liche lasterliche practicken obengelegen / als da er
ihnen mit gift vnd verrhätereien vmbbracht/

difem sein eygen volck/ia oft die kinder selbs auf
rürsch gemacht/die andern mit Vnas botschafft
en erwa in Kriegen/als da er frembde Potentaten
gegen sie aufwecket/vertilget hat. Denn wo er
etwa den Keysern nit starck gnüg gewesen/vnnd
jrer zükünfft in Italien nit hat dörfen erwarten/
ister hurtig auß dem land gewesen/vnd hat an
derswo schutz vñ hilff gesüchet. Also isto nun clar
vnd am tag/das/so bald er neben dem Rechten
Haupt hat angefangen zü regieren/dem Reich
nichts anders dann eyn eitel nam überleben ist/
Denn er ist Keyser mit allem thün/züm wenigst
en/des Keyserthumbs lebenherr.

Nach Keyser Ludwig dem vierden/hat dif
Nebenhaupt/als der yetz durchgebissen hat/die
Keyser erwa gelinder/vnd nach seinem willen ges
uolglichet gebapt/vnnd ist dennoch das Keyser
thumb an die Osterreichische Herrn komen/die
auch/jrer etliche/züm teyl/mit dem alten des
Reichs feind/im hader gelegen/wie dann kündig
ist vom Julio. Vnd yetz züm letzten vnder Caro
lo dem fünften/hat Got der Herr eyn newe ver
änderung fürgenomē/die freilich das end mit sich
bringen wiert. Den nachdem der groß onauß
sprechlich übermüt/vnnd Abgöterei des Neben
haupts in der Christenheyt ye lenger ye mehr zü
genommen/biß zülerst/das man in für eynen Erde
ischen Got/vnd über menschliche natur/gehalten
hat/

hat / wie dann solchs alles nicht kan verneynet
werden. Da hat Got / als der rechte Eiferer / der
Eynen Neben Got dulden kan / seinen widersager
er / dem er lange zeit zugesehen hat / Begegner / hat
sein heyliges Euangelium / welches durch den wie
dersager dermassen verfinstert war / das es gar
Eyn gestalt hat / vñ in allem onbekandtlich war /
widerumb / als den hellen Morgen stern / lassen
aufgehen / vnd das im Reich Teutscher Nation /
welchs dennoch anzumercken ist.

Sie nun zur warheyt lust tragen (wie dann
eyn yeder Christlichs namens schuldig ist) sollen
sich diser zeit / vorab so sie sehen / dz die sache ynen
nachtruck hat / wenn sie gleich Eynem teyl wolten
oder möchten recht geben / weiters Befragen vnd
erkundigen / vmb zu wissen / ob auch die heylige
schrift auf eynigem ort meldung thut / das solcher
iamer vnd verderben / beyd / in der Religion / vnd
auch in der weltlichen Oberkeyt / oder dem Reich /
geschehen solt.

Senn / wo solchs in der schrift durch die Pro-
pheten oder Aposteln geweiffagt were / hette man
sich desto fürsichtiger hiein zu halten / vnd sicherer
zu trösten. War ist's / das die Propheten nit leicht-
lich zu entscheyden seind / aber doch haben sie inner
dar erliche vmbständ vnd zeychen / darauff man
vrteylen kan / vnd neben dem / das Got der Herr
sie nit hat vergeblich lassen aufgehen / bringen sie
auch

auch disen nutz mit sich/das sie vns vor künfftigen
en ärgerüssen warnen/vñ daneben in widerwert
igheyt eynen mercklichen trost geben. Denn wo
ich weys/das Got allmechtig / vor so langer zeit
gesagt hat / das dis vñd ihenes geschehen solt/
schicket sich mein gemüt desto bequemer zñm
ihenen/das ich gegenwertig sehe/vñd derhalben
ich vorhin gewarnet binn. Wo nun etliche vil
leut/die Jüdische art in dem fall nit an sich herten/
namlich/das sie imerdar warten auf das ihenig/
so geschehen soll vñd müß / dieweil es Got geredt
hat/so würden sie solche ongeräumpte wort nit für
en (Es sei nit zñ glauben/das Got der Herr sein
Kirch so lange zeit het wöllen lassen irren) vñ der
gleichen reden mehr / die onnödig seind zñ erzählen.
Vñd wo sie nit wolten halßstarrig sein/sonder die
augen aufthun / vñd die weißsagungen mit iren
vmbständen anmercken/so würden sie eygentlich
finden/das dise ding alle dauon bissher geredt ist/
in den Apostolischen schriften vorgebildet vñd an
gezeyget seind. Nun Daniel der Prophet hat
von den vier Monarchien/vñd namlich von der
Römischen vñd irem vndergang geredt. Wir
wöllen aber nit so weit hinder vns gehen /sonder
die nächste vñd frischste gezeugnis der schrift für
vns nemen.

Der Apostel Paulus schreibt nachuolgende
wort: Der Geyst sagt eygentlich/dz in der letzten
zeit etliche

zeit etliche vom glauben werden abfallen/werden
falschen geystern gehörs geben/vnnd den Teufels
ischen lere anhangen / vnd das durch heuchlerei
vnd gleisnerisch einführen/deren/ so da nichts anders
dann lügen reden/deren gewissen vnd Con-
sciencz verwundt ist/die den Bestandt verpieten/
vnnd beuelhen etliche Speisen nicht zu essen / die
doch der Herr geschaffen vnd geben hat / für die
glaubigen/mit danckbarkeyt dieselben zu brauch-
en. **S**is hat nun der Apostel geredt/den Got
sonderlich außerkoren hat / der inn dem geyst ist
verzucket gewesen bis in die himel / vnnd daselbst
etliche ding gesehen hat/die keynem menschen auf
erden gezimpt zu wissen/wie er sagt. Der selb Apo-
stel hat tag vnd nacht/onangesehen aller gefahrt
vnd pericel/das Euangeli verkündigt / vnd wie
fleissiglich er auch angehalten / vnd andere seine
Discipulen bericht/wie sie in allem soltē lere vn-
predigen/dennoch spricht er/das es bei diser seiner
lere nit pleiben werd/sonder es werd eyn zeit kom-
en/das man von diser rechten lere werd abfallen/
vnd spricht/der Geyst sags eygentlich/das es also
geschehen werd. Vnd damit die falschen zukünfts-
igen lere möchten erkant werden / hat er dise beiz-
zeychen geben / das sie den Bestandt / vnnd die
Speisen werdē verpietē/darumb/das jr gewissen
oder Consciencz verwundt/vn aller ding onsaub-
er ist / vnd sie meynen sich mit solcher eufferlichen
S gleisnerei

gleisnerei widerumb reyn zümachen. Die vrsach
aber / darumb der Apostel die welt so fleißiglich
derhalben warnet / ist dise / das die ihene / so solche
ding predigen / die welt in dem verführen / das sie
die menschen auf eitele / lose / nichtrige vnd heuch-
lische werck treiben / als ob sie Got dem Herrn dar
durch müßten gefallen.

Vnd diß ist der grundt / darumb das Neben-
haupt ganz eyn newe ler hat müssen aufrichten /
hat er anders seine sachen dahin wöllen bringen /
dazu er sie (leyder) vor vil hundert iaren bracht
hat. Es mache darauf Limitationes vñ Distin-
ctiones wer da wöll / so ist doch eitel Sophisterei /
vnd es müß entweder der Apostel / oder aber das
Nebenhaupt onrecht haben / beyde können sie nit
recht haben / vnd es seind zwey Incompatibilia.
Senn / so das eynmal war ist / Man soll diß vnd
ihenes nit lernen noch predigen / vnd wo es gelett
würde / solt mans für Teufelische lere halten: so
kan ia das Contradictorium nit bestehen / noch
keyns wegs entschuldigt werden. Das ist nun
eyn Prophecci / dabei man die verführer soll lernen
kennen.

Das aber auch in der letzten zeit eyner solte
komen / der im selbs allen gewalt auf erden an-
masset / diß hat der selb Apostel auch zu vnserer
vorteyl vnd vertroöstung geweissagt / vnd hat dise
meynung: In des Apostels zeit waren erliche
die prea

die predigten/das der Jüngst tag vorhanden wä-
re/sagten weiters / Sanct Paul hets gepredigt.
Sarauf antwort er/ vnnnd sagt/Sie solten dijen
worten keynen glauben geben/ es sei auch von jm
nit geredt/sonder sie soltens für gewiß halten/das
der Jüngst tag / oder der tag des Herrn (wie er
redet) werde nit erscheinen/es sei dann beuor offen-
baret vñ entdecket der sündig mensch/das kind od
sün des verderbens/der Got seinem Herrn zu wie-
der ist/vnd sich erhebt über alles/das Got geheyt
en/oder als Got geehret wirdt / auch der massen/
dz er sich setzet in den tempel Gotis/ als ob er Got
selbs were/vnnnd sich daselbst/als eynen Got/vor
yederman erzeyget. Seind jr nicht eingedechtig/
spricht er / als ich noch bei euch war/das ich euch
von disen dingen redet : vnd yetz wissent jr war-
auf es berühet / namlich / das er zu seiner zeit soll
entdecket vnd erkant werden. Dan er hat schon
angefangen seine heymliche verborgene Bosshet
ins werck zubringen/vnnnd hat seine herrschung/
biß er hinweg genommen wirdt. Vñ alsdan wirdt
man ju lernen kenne / vnd Got der Herr wirdt
in vertilgen durch den Geyst seines munds/ vnd
den glantz seiner zukunft. Welcher obgenant
sündig mensch wirdt des Satans werck thün/
mit grossen gewalt / vnnnd falschen betrüglischen
zeychen/vnd mit bosshafter verleytung deren/
so da endtlich verderben / darumb das sie der war

heynt nit glaubt haben. Vnd dieweil sie der wars
heynt keyne statt geben/ wirdt Got inen züsicken
eynen wirclichen irthumb/dz sie den lügen werd
en anhangen vnd glauben zc.

Dise weissagung hat zwey zeychen / Eyns
von der Absonderung/das ander vö dem Sünd
igen menschen. Vñ so vil das wort/Absonderung
berrifft/hats nit eynerley anfleung. Die eyner
sagen vnd legens auß vom Römischen Reich/
wenn das wirdt vndergehen vñ zertrennet werd
en. Die andern sückens nit so weit / vñ sagen
schlechts/es sei vom glauben zü verstehen / nam
lich/wenn vil leut vom rechten glauben werden
abweichen / wie dann der Apostel an ihenem ort
sagt/das in der letzten zeit vil vom glauben werd
en abtrere. Wie dem aber/so schliessen doch beyde
anflegungen/Senn des Römischen Reichs zer
trennung ist schon vorlangest geschehen. Das
man aber auch vom rechten glauben vnd Gotis
dienst abgewichen ist / wolt Got das ichs liegen
solt/daran das Lebenhaupt eyn eynige ursach ist/
vñnd hats nottürlichlich müssen sein / vmb seine
Monarchie aufzurichten vñ züstercken / wie oben
gesagt. Das and zeychen/ist d Sündig mensch
vñnd verlorne sün / welchs etliche ganz onuer
nünftiglich deuten auf eynen/soll heysen d End
christ/wissen daneben vil züsagen vö seiner künft
rigen gepurt zc. Aber der Apostel redet vö eynem/
der in

det in falscher lere/vnd allerley Abgöterei fürtreff
lich sein/der seine Abgötische ler mit gewalt ver
thädigen vnd handthaben wirdt / von welchem
alle andere falsche leter werden jr leben empfaben.
Vñ das soll freilich wol eyn selzamer vogel sein.
Ob er aber ankommen sei oder nit/vñ ob man noch
aufjn wartē soll/wie die Juden aufjren Messiam
warten/da ligts. Wie möcht mans aber wissen?
wie solt man jn kennen? Meins Kleynen Bedunck
ens/nit besser/dann an den federn / denn wo man
jn kennet/hat man sich vor jm zu hüten. Anfeng
lichs heysset jn d Apostel / den Sündigen mensch
en/od seiner sprach nach/den Menschen der sünd
en/vnd den verlorne Sün. War ist / das wir
allsamen sündler seind vnd pleiben / so lang wir in
ditem fleyschlichen körper stecken. Das er aber
disen fürnemlich eynen Menschen der sünden nen
net/das hat ongezwifelt etwas besonders vnd
grossen lasters auf sich. Dergleichen / verlorne
kinder seind wir alle gewest/wo Got vns nit gned
iglich angesehen het. Pleiben auch wol solche ver
lorne kinder/wo wir die wolthat Gotis nit erken
nen. Warumb heysset er denn disen besonders/
eynen verlorne Sün? On zweifel auß vrsachen
die er selbst darnach meldet/namlich/das er sich in
den tempel Gotis setzet zc. Das ist ia eyn grosse
onleidliche vermessenheyt/das sich eyn creatur od
geschöpft/über seinen Schöpfer erhebt/ oder zünz

wenigsten/gleich hoch setzen will. Es hat dem Lu-
cifer ob solchem übermüt übel gangen/ es wirdt
freilich auch keynem andern wol bekommen. Nun
der Herr spricht/ das alle sünden mögen vergeben
en werden/ aber die sünd in den heyligen Geyst
werd nit vergeben. Kan aber grössere sünd in den
heyligen Geyst sein/ dan das sich eyner Got gleich
machet? das ist/ dz eyn creatur seins Schöpfers
gepot vnd beuelß vndertrückt/ eynen andern be-
uelß vnd newe lere aufrichtet/ dieselb yederman
beuulhet zü halten/die leut zwinget/vñ sagt/man
müß es thun auf peen/das zeitlich vñ ewig zü ver-
lieren/man soll nur auf in sehen/er hab gewalt zü
binden vnd aufzulösen zc. Senn was heyyer an-
ders im tempel Gots sitzen/ dann im solchen ge-
walt anmassen? Nun ist's ye gewis/ das Got
solchs endtlich nit leiden wirdt/ darumb wirds
freilich auch mit disem verlorren sün eyn selzam
end nemen. Vnd sag euch weiters/ spricht er/ das
er schon angefangen hat seine Bossheyt ins werck
zü bringen. Er thut im aber noch hüpschlich/vnd
wirdt ye lenger ye mehr zünemen/ vnd wenn seine
Bossheyt aufs höchst komen ist/ welches dann sein
wirdt/ wenn er sich/ als eynen Got/ wirdt lassen
ehren/alsdan wirdt er mit dem eynfaltigen Gots
is wort heraber gestürtzet werden/vñ solt in yeder
man alsdann lernen kennen. Alhie wolt ich aber
gern von yemandt hören vnd bericht sein/ ob ges-
melte

melre weissagung mit iren vmbständen vñ zeych
en von yemandt mög anders verstanden werde
en/dañ von dem Nebenhaupt: Es mag ye von
Keyner eynzigen personen verstanden werden/son
der von eynere regierung od Monarchien/die von
personen auf personen komē wirdt. So istz auch
geredt vnd geweissagt/ nit von solcher regierung/
die durch hōres kraft/ mit streyffen vnd mōrden/
oder andere ongepürliche kriegshändel/zñ solcher
gewalt vnd stoltz kompt/sonder von eynere regie
ung/die vnder dem schein der kirchen vnd geyst
lichen Jurisdiction/sich erhebt/auch dermassen/dz
sie Got an seiner ehren schmähet vnd verkürzet.
Vnnd zñ beuestigung meines fürnehmens/neme
ich zñ hilff den spruch des Herrn/da er von der
letsten zeit zñ seinen Jüngern redet: Wen je sehen
werdent (spricht er vnder andern) den onauß
sprechlichen gewel der verfförung am heyligert
ort/alsdann seind gewis/das der tag näher ist zc.
Da sagt er/wenn man sehen wirdt/das die kirch
deren/so sich Chriſten nennen (den die kirch meyn
et er eygentlich durch das heylig ort) mit falscher
lere vnd Gotis dienst dermassen verwüſtet vnnd
geschendet/auch so gar mit Gotis wort nit ver
sehen ist/sonder dessen in allem also mangelt/vñ
so gar alle ding in obgemelten kirchen vñ der lere
verrucket/verföret/gemischt vnd vmbgestossen
seind/das auch eynem die har dāriiber zñ berg
müssen

müssen gehen / alsdann sollent jr wissen zc. Wie
nabe haben wir diser beschreibung gleichniß vnd
ebenbild zu vnseren zeiten gesehen? Es ist eygent
lich war / vnd verhoff / Eheliebende leut werdens
gern bekennen / das keyn ding auf erden ist / das
seiner art vnnnd vrsprung / daher es gezilet ist / wez
niger gleich sibet / dann vnser Kirch der rechten
alten Apostolischen Kirchen gleichet. Es gehe
eyn yeder in sein hertz / vnd denck hinder sich vom
anfang bis zum end (wo es anders möglich ist)
wie es nur vor xx. iaren eyn wesen vnd Religion
war / was man predigt vnd glaubet. War es nit
dahin komen / wie der Apostel sagt / das sich der
sündig mensch vor aller welt / als eynen Got / er
zeyget? War es möglich / das die Abgötterei het
mögen höher aufsteigen? Stunde es nicht allzū
mal auf jm / dem Abgot / zu Kom / seinem thūn
vnd lassen / binden vnd auflösen / gepieten vñ ver
pieten? Welcher König / welcher Fürst het sich
dörffen gegen jnen ungehorsam erzeygen? Was
wunderlicher selzamer kauffmanschafft hat er ge
triben / vñ noch / mit genanten geyslichen gütern
vnnnd Prebenden? deren er sich allersamen eynen
Herrn vnd verwalter gemacht / von wegen seins
abgebettelten Primats. Welches Kriegs oder ons
eynigheyt zwischen Herrn vnd Fürsten / welcher
aufreut in vilen landen vnd stetten / welcher gefähr
lichen vnd lästerlichen practicken ist er nun erliche
Hundert

Hundert iar/nit entweder vrsach/od züm wenigst
en mitthelfer vnd Radt gewesen? Ist möglich
deren ding zü vergessen/die sich noch in frischer ge
dechtnis zügetragen haben? wie er neben andern
Nationen/auch die Teutsche hat aufgesogen/
vnd volgends vnser gespottet. Vnsere gewissen
vnd gemüt hat er hart gefangen/ist vnser hertzen
eyn herr gewesen/hat vns gefüret vnnnd geleytet/
vñ wo wir nit williglich genolgt seind /geschleyff/
er vñ gezwungen/wie er seinem mürtwillen vñ on
setlichem geiz nach gewöllt hat. Haben wir nit
alle seine Narren müssen sein /vnnnd im seine lust
büssen/vnd die zeit vertreiben /vnd doch auf vn
seren seckel? Vnd das am aller onleidlichsten ist/
Er hat vns nach allem seinem vorteyl vnd wols
gefallen geritten / hat vns thün glauben / was er
nur selbs gewolt hat / vnd im selben vnserer kisten
vnd lasten geledigt / vnnnd doch das ihemig / so er
vns überredet hat / vñ derhalben er solchen großen
onsäglichen schatz bei vns versamlet / hat er selbs
nit glaubt / sonder damit gespottet / wie kündig/
vnd hat vns seinem hoffgesundlin / vnd sonst an
dern onflätigen / schendlichen / ongelerren schälck
en vñ lotterbüben / etwa eselstreibern / köchen / iägg
ern / Eupleen / vñ solchem vöcklin / zü spott geben/
die wir dennoch / dieweil sie vom erdischen Got
kamen / nit Crucz vñ nit Fanen empfangē / als
die ihenen / die heyl vnd trost vom heyligen Strül
E brachten

brachten/vñ das himelreich/vmb gelt/feil anboren
en vnd verkaufften. Wo solchs nit ist der groß on
aussprechlich Grewel/da die schrift von redet/
wie obgemelt/der sich in der kirchen erheben solt/
was solts dann sein?

Haben jm nit alle Keyser vnd König/vnnd
volgends die ganze welt hie inn zūgesehen? vnd
ob sie wol gesehen/das er eyn schandtlich onchrist
lich leben gefüret/haben sie in doch nit mögen er-
kennen/denn er hat auch darfür gepawet/als da
er sie vereydet hat/vñ auch müßt er die bestimpte
zeit/wie der Apostel sagt/aus regieren. Vnd dem
nach als eyn solch iämerlich/verworen/vñ Bar-
barisch ding in der Religion war/das/wo man
hindersich dencket/eynem bang vnnd grausam
werden müß/hat Got/zū bestimpter zeit/seiner
verheßfung nach/in mit dem Geyst seins munds
angefochten/vnd das im Reich Teurscher Nas-
tion/wie obgesagt/vnd durch eyn person gar nis-
dern stands/vnnd jm/dem Abgot/in sonderheyt
vnderworffen vnnd vereydet. Nun im ersten an-
griff war er nit so schlecht/hat wol creygt/das es
seinen Lasten würd abbrechen/vnd der ihenig/so
in die vorige practicken gelet/hat on zweifel auch
hiemit helfen radten/Her derhalben gern etliche
leut mit gaben vnd grossen verheßfungen gestül-
let. Aber die zeit war vmb/vnnd Got hat wöllen
zeygen/das er alleyn der Herr ist/vñ Keynen Got
neben

neben sich leiden kan. Hat darnach seinen wider-
sager angegriffen/der sich dennoch auch in die gegen-
wehr gestellt/wie dann sein art ist/hat anfanglich
alle seine vermeinte geystliche rüstung/als papir-
ische vnd pergamentische blitz vnd donner auf die
leut abgeschossen. Es wolt aber nit helfen/vnnd
der/so das spil angefangen hat (Got selbs) hats
dermassen immerdar gefüret/ gehandthabt/vnd
fort treiben/das wo er (das Nebenhaupt) an den
ersten geringen anfang gedencet/vnd daneben
anschawet/wie es yetz vnd außgebreytet ist/ solt
im billich darab grausamen.

So ist nun durch Gots beschickung/8 solchs
alles durch seinen Apostel vor lengest angezeyget
hat/dahin komen/das der ihenig/so sich als eyn-
en Got vor der welt erzeyget/vn vnder dem schein
der geystlicheyt allen seinen mütwillen getrieben
hat/vnd doch onerkant war/ yetz entdeckt/offen-
baret/vnnd dermassen erkant ist/das er nun hin-
fürter an seiner gewonlichen rüstung vnd gegen-
wehr selbs verzweiflen muß. So will im dennoch
von nöten sein/will er anders nit gar verlieren
was er noch übrigs hat/vn der welt zu spott werd-
en/andere mittel vnd hilff zu suchen. Das kan er
aber meysterlich/vnnd hat eynen subtilen Radt/
der anfanglich sein schülmeyster gewesen/vnnd in
derhalben yetz in der not nit wol verlassen kan.
Seine geystliche büchsen vnd gegenwehr last er
E ij faren

faren/denn sie wöllen im zu schwach sein/vnnd
kompt auf die sichtsliche materialische rüstung/
darauf er sich auch ganz verlasset. Was thue er
aber? Die Monarchen vn̄ Potentaten der welt/
die er dennoch bei zeit seines triumphs so höchlich
geschmähet/vnnd schier mit füßen treten hat/
bringt er yetz an sich/benschlet denselben/vnnd sie
würden wol yetz nichts mögen begeren/sie würds
en es erhalten/so gar sanftmütig ist er worden.
Solchs hat nun vor der welt eyn groß ansehens/
bringt im bei etlichen vilen/grossen glimpf/vnnd
mercklich vorteyl. Wenn wir aber würden finden
das die heylige schrift auch hienon geweyssagt/
vnd solchs vor lengest verkündiget hat/so solten
wir vns (glaub ich) dis nit lassen anfechten/sonst
der gedencen/ye höher er aufgestigen ist/ye harter
er fallen wirdt: ye mit grössern Potentaten er ver
bunden vnd gesterckt ist/ye grössere schand vnnd
spott er leiden wirdt/wenn im dieselben endlich nit
werden mögen/oder auch wöllen helfen.

Im Prophten Daniel/vnnd andern mehr/sie
het man seltsame wunderliche figuren/dardurch
deren Monarchien wesen vnnd vndergang/vnnd
sonst andere ding bezeychnet werden. Dergleichs
en hat auch Got von künfftigen dingen/so sich
nach der Aposteln/vnnd des gepredigten Euange
lij zeit/bis an der welt end zutrugen solten/vns/
durch figuren/wöllen etliche zeyche vn̄ warnungen
geben.

geben. Frag demnach / wer doch sein mög / die
grosse dirn/dauon die schrift meldung thut / die so
überaus kostlich mit gold vnd kostlichem gesteyn
geschmucket ist / mit welcher König vnd Fürsten
diser welt gebület / von welcher dirnen onsauberm
wein alle menschen sich voll getruncken haben /
von welcher dirnen onmäßigem pracht vnd aller
ley wollust / so sie in zeit ires regierens auß allen
landē gefordert / die Kauffleut reich seind worden.

Sis seind eben die wort der schrift / durch wel-
che vns beschriben wirdt eyn zukünftiger Gots-
lesterer / der grossen vnd allen gewalt auf erden
haben solt / den alle vöcker / Nation / vñ Sprach-
en werden anbetten / der Gots nammen vñ glori-
höchlich lesten vnd schmähen wirdt / der gegen die
fromen wirdt krieg führen / vñ sie vertilgen / der alle
die / so in nit anbetten / wirdt erwürgen / des merck
vnd zeychen eyn yeder wirdt müssen haben / vnd
welchers nit hat / wirdt weder kauffen mögē noch
verkauffen. Alhie dencken ungezweifelt etliche:
Ey das müst ia eyn wäteriger Tyrann / vñ gar
eyn teuflischer mensch sein / man würd in nit leid-
en / vnd Got würd in straffen. Das gehet wol.
Nun aber auß des Apostels beschreibung / haben
wir hienor gehört / wie das eyn solch verloren kind
vñ mensch der sünden komet wirdt zc.

Wienach reimet sich aber dis / vñ kompt über
eyn / mit dem yetz allegirten ort / das sich eyn ge-
waltiger

waltiger Gotslesterer wirdt erheben? etc. Vnd
dieser/dieweil er Gots namen lestert/muß er volgs
ends vñ nottürlichlich eyn andere ler aufrichten/
die leut zwingen/dieselbige zu halten / vñ die so sie
nit halten/mit allerley strafung veruolgen.

Hie frag ich / ob auch das Nebenaupt soll
von disen dingen wissen zu sagen / wolt gern das
bei sein vnd zusehen (wenn im gemelte örter der
schrifft würden vorgelesen/vnd eynfeltiglich auß
gelegt) ob er auch die farb würd verändern/ob er
nit seine mitbrüder im Consistorio würd etwa vñ
der dem hit ansehen/vñ gedenccken/Sas soll dich
wol angehen. Ich halts dafür/vnd es ist etlicher
maß gleichlich / es würd im eyn wenig fantasiaen
machen/eken gleich wie die Pharisceer/da sie etliche
gleichniß höreren vom Herrn/gegenwertig/vnd
vnder anderen/vom Hausuater / der seinen sün
in den weingarten schickt / welcher auch von den
arbeytern getödtet ward / wie die vorgeschickten
hausknecht/sie verstanden wol / das solchs alles
auf sie geredt ward/vnnd hätten derhalben gern
den Herrn wöllen sehen/pliben dennoch verstockt
et/mochten den Herrn nit leiden/liessen sich so vil
wunderbarlicher zeychen nichts bewegen / vnnd
trachteten nichts/dann wie sie in möchten vmb
bringen/der endtlichen hoffnung/wenn er entleib
et were/alsdann würden sie mit der newen ler wol
onuerworren pleiben.

Es seind

Es seind nun zwentzig iar vnd darüber/ das
man im (dem Nebenhaupt) bestund in die Carr
en zu sehen. Wie vil schreibens/ wie vil ermanung
en/ wie vil allerley berichtungen ist seither geschch
en? Da hat man im seine mißhandlungen/ die
groben irthumben/ vnnnd onleidliche mißbrauch/
item des gemeynen eynfeltrigen volcks iamer vñ
ellend/ vnd sonst der Christenheyt schreien vnnnd
klagen/ so deutlich vnd clärllich angezeygt/ vñ vor
augen daher gemalet/ das auch nicht wenig von
seinem eygenen geschwornen hauffen bekennen/
dem sei also/ vnd nit anders. Wie hat er sich aber
in disem gemeynen klagen vñ seufzen der Christo
enheyt gehalten vñ erzeygt? Was besserung hat
man an im vñ an seinem hauffen bissher gesehen?
Was hoffnung vnd trosts gibt er noch heutigs
tags? Er kan ia sehen (wo es anders möglich ist)
das Got an in gesezet hat/ vnnnd nit nachlassen
wirdt. Er sibet vnd höret/ wie seiner widerwertig
en hauff/ der anfenglich so gering vnd verächtlich
war/ alle tag mercklichen zunimpt. Er kans auch
wissen/ durch hören sagen/ wie seine widerwertige
so gar wol getröstet/ vñ bereyt seind/ ire Religion
vnd lere/ mit gutem beständigem grundt/ vnnnd
Christlicher berichtung zu vertädigen. Er ist nit
so schlecht/ er weyßs auch wol/ das all sein wesen
gegründet ist nur auf seine eygene Canones/ so er
selbs/ im alleyn zu nutz/ wider Gotis wort vñ alle
Billicheyt

billigheyt aufgericht hat. Er kan sich auch wol
erinnern/ das Got/ mit alleyn mit gegenwertiger
yeziger widerwertigheyt/sonder auch mit andern
leiblichen warnungen in dabeyn gesüchet hat.
Auch weyss er wol/vnd weyss es am aller besten/
das er/vnd seiner vorfaren überaus vil/ durch on
christliche /lasterliche practicken zu diser dignitet
komen seind. Er soll auch wol wissen zu sagen/
(dann andere leut wissents) durch was mittel er
den roten hit überkomen hat/ auch auß was ur
sachen er den selben heutigis tags etlichen vers
kauffet vnd etwa schencket. Dergleichen/weyss
er/wie eyn fein sauber vnd erbar leben seine vor
faren gefüret/sihet auch/wie es eyn plag sein müß
das sie alle auf eynen leyten gemacht seind/vnd
wo sie gleich vorhin etwas fromtkeyt gehabt/den
noch ganz zu büben werden /so bald sie den drei
krönigen hit aufgesetzt/vund das ampt ange
nomen haben. Denn also müssen sie sein/wöllen
sie anders irer vorfarn ordnung/vnd irer Kirchen
Privilegia behalten/wie sie dann solchs müssen
schweren.

Wenn er auch nit Christi (denn solchs were
zu vil/wie vol er dennoch sein stathalter sein will)
sonder sanct Peters seins vorfaren/wie er spricht/
eufferlich leben vnd conuersation will ansehen/so
müß er ia/zü errectung seiner ehren/zum wenigste
sagē/wie die gute Ebrissin sagt: Wir seind alle ge
brechlich

brechlich. So aber seine / vnd seiner vorfahren ge-
brechen / zūmal grob vnd am tag seind / möcht in
etwa eyner hie wöllen fragen / warumb er sich dan
über alle menschen vnd creaturen erhaben / war-
umb er das himelreich verkaufft hab. Sieweil
ich aber weyß / dz er seinen Primat / vñ volgendes
die macht inn allem zū dispensiren wirdt herfür
bringen / will ichs in nit fragen / vñnd damit ich zū
meinem fürnemen Kom / obgemelte dinge / als die
nit so tieff inn der schrift ligen / Kan er durch hören
sagen / seidher zwentzig iaren / zūm teyl auch bei
sich selbs / etlicher maß erkennen. Señ in so groß
en aufsechtungen müß er dennoch allerley bedenc-
ens haben / vnd mercket wol / das er bei yederman /
auch bei denen / so noch mit im halten / inn eyner
groffen argwon Komen müß / vorab so seine wider-
sächer so freimütig anhalten / vñnd onnachlässig
über in schreien vnd klagen. Was hat er aber biß
her dazu gethan? wolt Got / das ichs liegen solt:
Nach dem sein vermaledeien vnd bannen nichts
hat geholffen / ist's gangen / wie obgemelte prophe-
tei sagt / dz er alle die / so sein bild nit haben wöllen
anbitten / das ist / die in / als den erdischen Got /
als den / so allen gewalt auf erden hat / als das
haupt der kirchen nit haben wöllen erkennen / ver-
tilget. Kans verneynet werden? Wie vil tausent
menschen seind durch sein vnd der seinen ernstlich
en beuelch / inwendig kurzen iaren / auf disseit dem
f gebirg

gebürg/enthaupt/verbrant/geröstet/erdrencket/
veriaht/vñ mit allerley marter veruolgt worden?
Wie vil tausent ist jr freilich noch heutigs tags in
vilen prouinzen gestöckert/vñ jämmerlich gefangen?
vñ diß alles/den grösseren teyl/vmb keyner andern
vrsach/dan das sie des glaubens seind/Christus
sei vnser aller vñ seiner kirchen eyn eynigig haupt/
eyn eyniger mitler bei Got dem Vater/vnd/das
sond/auch neben jm/keyn mensch kan selig werde.
Das ich aber gesagt hab/solchs geschehe auf
dissert dem gebürg/sag ich vmb Italien willen?
Senn da selbst solche veruolgung nit geschhehen/
auf vrsachen/das die Italianer/dieweil sie die
schriften nit lesen/wie von vilen gesagt wiert/sich
mit disen dingen nit vast bekümmern/vnd lassen
sich nichts anfechten. Daneben habē sie ongleich
grössere freibeyt in vilen dinge/vñ das eynem Ita
lianer in seinem land/gar keyne/ich sag nit fabra
sond auch keynen argwon bringt/darüb muß ich
eyn Teutscher/eyn Franzos/eyn Hungarer re
verbrant/vund des lands veriaht sein. Istis ia
kündig/vund mehr dann offenbar/das vil vmb
fleyschessens willen/an leib/leben vñ gürt gestraft
seind/vnd noch/des sich auch die Italianer/so diß
orts seind/nit güng können verwunderen/vund
schelten vns/wie billich/als die onuernünftigen/
vñ fleynmütigen/das wir vns in solch spöttisch
eygenthum habē lassen zwingen.

Alfie

Alhie wöll nun eyr yeder bei sich bedencen/
wenn das Lebenhaupt (der heylig Vater) et wa-
lustig ist/ob er nit auf solch Propositum kompt/
(zum wenigsten dencket er daran) das er diß vnd
ihenes/dan on er vnd die seinen / doch gar nichts
halten/sonder damit spotten (wie dann billich)
vns frembden vnd Barbarischen Nationen (wie
sie vns nennen) so theur verkauffet/vnd derhalb
en so vil Hundert tausent Ducaten aufgenom-
en/vnd vil ding/so bei inen frei/vnnd sonst von
Got/von der naturen/vnnd allem rechten züge-
lassen seind/vns verpotten/vñ darnach vmb gelt
widerumb zügelassen hat / vñ das wir obgemelte
ding/so vns alleyn/von im / also gepotten vnnd
verpotten/mit solcher grossen deuotion vnd reues-
reng angenommen/auch so stracks darauf gebalt-
en/das wir die ihenen/ so darwider thün / für ons
glaubige haltē/von vns absondern / vñ/im zü ge-
fallen/an leib vñ leben straffen: Ja freilich denck
er er daran/mit on sonderliche ergötzung/vnd hat
vrsach vnser zü spotten / dieweil er vnser gelt hat.

Man ist ye eyr gering ding vmb die speiß/vñ
solt vor Got nichts gelten. Ist er aber so wäterig/
das er nich / vmb solches geringen dings willen/
das von naturen frei/vñ eynem yeden zügelassen
ist/bratet/vnnd köstet / was solt er wol in andern
grössern sachen thün/die er stracks wider Got vñ
alle billicheyt aufgericht hat?

f ü Warumb

Warumb treibt er aber solchen grausamen
mütwillen? Damit wir Barbaren im zwang vñ
gehorsam gehalten/vñnd seiner vermeynten ges
rechtigeyt / nach vermög des abgebetelten Pri
sars/nichts benomen werde.

Die ander gegenwehr ist/das er allen Nation
en verbent zů lesen/nicht alleyn seiner widersächer
bücher/sonder auch das heylig Euangelium/wie
dann kündig/das in vilen prouinzen die Bibel/
das new Testament verbottē ist. Wem solt aber
hierab nit grausamen? Der Königlich Prophet
sagt: Sein wort / O Got almechtig / ist mir eben
wie eyn sackel bei nächtllicher weil. Dife sackel/
so im finsternis so hell leuchter / hat das Neben
haupt nit alleyn verdampft vñd aufgeloschen/
sonder auch / dieweil sie heutigs tags widerumb
angezündet ist/will er sie den leuten vñnd der welt
nit lassen scheinen/sonder will vñ gebent / dz man
blündlich mit jm daher fare / ob man gleich den
hals abstürzen würd. Wenn Got selbs nit ges
sagt hätte/das sein wort ewiglich bleiben solt/hät
te man sich zů verwunderen / das er (das Neben
haupt) die schrift nit gantz vernichtiget hat. Sie
müß aber bleiben bis zů der welt end/vñnd bleibt/
damit der Antichrist/der widersächer Gotis/erken
net werd/der sonst onkandlich sein würd. Vñnd
so lang er mit gewalt ob seiner herrschung gehalt
en/vñ bei zeit seiner vō Got bestimpten regierung
(wie

(wie der Apostel sagt) die welt nach seines hertzen
lust vñ mitwillen gefüret / hat in die schrift nichts
gehindert / dieweil sie von gar wenigen gelesen / vñ
daneben nach seinem wolgefalle alleyn / verstand
en vnd außgelegt ward. Yetz aber / so die zeit ver
lauffen / vnd sein stündlin komet ist / lähnet er sich
wider Got / vñnd das instrument / dardurch sein
grundtloser gewel entdeckt wirdt / verpeut er
den leuten zü gebrauchen. Gern wolt ers yeders
man verpieten / er kans aber nit thün / verpents
demnach dem gemeynen mann / vnd sonst allen /
die sein (der Bestien / wie die schrift sagt) merck
vnd zeychen nit haben. Vergönnens alleyn den
en zü lesen / die im / von wegen des empfangenen
zeychens / mit eyd vnd allem / verpflichtet seind / vñ
nit anders müssen von im lernen / dann wie ers
inen vorgeschriben / züglassen vnd verordnet hat.

Was thüt er weiters? Er hat seine kantzten /
Inquisitores genant / in allen prouinzen / die züm
aller schärfpffen vmbfragen vnd ersüchen / vñnd
mit leiblicher strafung handlen / wo etwa eyner be
funden wirdt / der diser Bestien bild nit anberrt /
wie die schrift sagt. Vnd yetz newlich haben sie di
se practick erdacht / das sie denen / so sich selbs / on
getreungen / als ongehorsame entdecken / verzeych
ent / mit solchem beding / das sie ire gesellen / oder
sonst andere mitbeflecten (wie sie es nennen) müßo
en angeben / vnd helfen verrhaten. Vnd ist eyr

lämerlicher Handel/ Den erwa vmb eyne gering
en worts willen / solt eyn onschuldiger inn gross
ellend komen/ia oft das leben verlieren. So gar
gehet er (das Nebenhaupt / der Endchrist) auf
den gewalt. Aber sein eynige veste vnd holwerck
ist/dern Potentaten gunst vnd vorschub / wie oben
gemelt. Die schrift sagt clärlich / das die König
vnnnd Herren diser welt / mit der grossen dinnen/die
vorhin mit allen iren vmbstenden beschriben ist/
werden bülen / vnd hürerei treiben/denn dis wort
am selben ort gebrauchet wirdt.

Nun/auf der bültschaft gehets ongleich zu/wie
der Poet sagt/ yetz freund/ yetz feind/ yetz holdselig
geberd/ yetz über die achsel angesehen / vñ welcher
sich der bültschaft vndernimpt / begibt sich in eyn
eygenthumb / vnd ist nit wol sein selbs mechtig/
müß vil thün vñ leiden/ damit er den gunst nicht
verliere / in sonderheyt / wo an der Bülin etwas
gross vnd ansichtigs ist.

Vnd von solcher Bülin redet die schrift / nams
lich / das sie gewaltig / vnnnd wunderbarlich ge
schmucket/kurtz / eyn solche dünne ist / dauon alle
andere je leben empfaben/vnnnd die Könige diser
welt vmb sie bülen. Wo man nun von etlichen
vil Hundert iaren / bis auf die yetzige zeit / die ge
schichten anmercket/so befindet sichs augenschein
lich / wie die ding so ganz artig vnnnd schließlich
durch die schrift abgemalet seind. Vñ fürnemlich
von der

Von der zeit des erlangten Primats ist die Bils-
schaft recht angangen/vnd weret noch. Da hat
die grosse dijn (wie sie dann die schrift nennet) an-
gefangen sich zu schmucken/hat sich mit der zeit
über alles erhaben/hat der welt von irem onsaub-
ern wein zu trincken geben/das ist/eyn newe leere/
newe ordnung vnd gsatz aufgericht/vñ mit alleyn
dis/sonder hat sich vndernomen/land vñnd leut/
herrschafft vñnd alles/nach irem wolgefallen/
auszütreylen/Sarwider etliche Keyser/König/vñ
andere sich gesetzet/vnd mit jr derhalben im hader
vnd zank gewesen/darnach widerumb versünct
vnd eyns worden. Welches alles geweret hat/bis
zum letzten die geschmuckte dijn oberhandt ge-
wonnen/Senn wie die schrift weiters sagt/An
irer stieren stehet jr nam geschriben/namlich/My-
sterium/die grosse Babylon/eyn müter aller hür-
ereien/vñnd greuel auf erden. Sie ist der massen
geschmucket/vñ mit allem eusserlichem wesen ge-
zieret/das sich yederman vmb sie thüt/vñ helt sich
in solchē pracht/als ob es eitel köstlich ding vmb
sie wäre. Es ist aber eyn Mysterium/vnd etwas
wunderlichs dahindē verborge/des sich niemants
versehen het/Senn/wer solt ye gemeynt haben/
das der so sich Gotis statthalter nennet/eyn solcher
grosser büb were? Got der Herr/der in also hat
lassen auf wachsen vnd steigen/der im/vnd seiner
regierung/eyn zil gesetzet hat/wie d' Apostel sagt/
müß

müß freilich etwas groß mit im vorhaben/das
ist das **Mysterium**/die **Heymlicheyt**/ so bißher nit
erkant (denn sie eyn sichere zeit **Heymlich** pleiben
müß/wie die **Schrift** sagt) aber yetz dermassen ent
deckt vñ am tag ist/dz man sich auch mit henden
vnd füßen verwundert/wie er so lang onkantlich
gewesen ist/vnd stoßen sich noch heutigs tags vil
an disen steyn/namlich / **Es** sei nit zu vermüten/
dz **Gott** die welt so lang her wöllen lassen irren &c.
Nun/es müß gehen wie der **Herr** spricht/ Welcher
noch stincket/der stinck imer dar / die mit sehenden
augen blind seind/wie ist denen zu helfen? So ist
er nun entdeckt (das **Nebenhaupt**/die **Babylon**
ische din) wie die **Schrift** aufweiset/vñ dermassen
entdeckt/das er sich schämet füß bei mal zu setze/
fleißet das **licht**/vnd darf ins gericht nit komen.
Vnd wiewol er eyn grausamer reißender lew ist/
vor dem sich alle welt erschrocken hat / dennoch ist
er in seiner blütigen hülen angelauffen/ herauffen
ins offen feld getriben / geiagt vñnd geßetzt/ ist
schon auß den sprüngen/weyß nit wo hinauf / es
will im am athem manglen. Vnd nach dem er in
solchem iagen sich auch nit gesaumet / sonder frei
vmb sich gebissen/vñ gerissen/auch grossen merck
lichen schaden gethan / vñnd dennoch dermassen
onnachlässig verfolgt wirdt / das er kryn auß/
fliehens noch vorreyl mehr ersehen kan/henckt er
sich an die gewaltigen vñnd **Monarchen** / denen
Heuchler

heuchlet er/vñ ist gar eyn züchtiger knecht / weyß
Keyn argß / beklagt sich höchlich über die armen
verblendten / schmucket sich wunderbarlich mit gro-
ßen ansichtigen Worten / der Kirchen / des heyligen
Stüls / des Glaubens / der Concilien vñ Väter etc.
mit Erinnerung / wie jre vorältern / Keyser / vñ Kön-
ig / sich allezeit so freundlich vñ nachpaulich zu
dem heyligen Stül erzeygt / den selben auch geeh-
ret / gemehret / vñ vorfeket haben. Begert dem
nach hilff vñ beystandt / von wegen jrs gethanen
eyds vñ verpflichtung. Vñ vmb solchs zu erhalte-
n / erbeit er sich ganz gnediglich / alles zühin /
was jnen nur lieb ist / auch wider seine eygene Se-
creten / welche vermögen (wiewol es Tyrannisch
ist) vñ setzen / das Keyn weltlicher Herr (sei Keyser
oder König) soll macht haben eynige geystliche
lehen oder Beneficia zu conferiren / mit angeheffter
vermaledeung vñ verbannung deren / so sie geb-
en oder nemen. Item / das die genanten Geystlich-
en aller ding solen frei sein / vñ ganz on beschwer-
nis aller burgerlicher last / jre güldt vñd renthen
besitzen vñ brauchen. Welcher obgenanten / vñ
dergleichen mehr Secreten vñ Ordnungen hal-
en / vil onwillens vñd widerwertigkeit / zwischen
jnen / vñd den weltlichen / oft entstanden / wie obge-
meldt. Yetz aber hofieret er jne / teylet die heut mit
jnen / vñd spricht / Es muß eyner vmb des andern
willen etwas thun / lasset jnen zu / Bischtumben /
G Abreien

Abteyen/vnnd andere Prebenden zu conferiren/
auch schatzung vnnd anders/ auf die vermeynte
Kirch vnd Geystlichen zu legen. Mit disen/vn der
gleichen güten bislin fahet er sie/ auch dermassen/
das/wo er wa eyn frid oder anstandt zwischen den
Monarchen aufgericht wirdt/ da muß er alle zeit
mit begriffen sein / vnd stehet vorn an der spizen/
er vnd der heylig Stül mit angeheffter bündnüs
vnd verschwerung gegen die widerwertigen des
heyligen Stüls/vomb dieselben zu vertilgen/ vnd
nit alleyn diß/sonder auch seine kind/seine Neuen/
Nichten/vnd andere verwandten verheyrat er an
sie vnd ire blüts verwandten/vnd wo er etwa eyn
en weyßs an iren höfen/d iuen (den Monarchen)
lieb vnd werdt ist/denselben / oder aber des kinder
vnd nechste freundt/zeuher er an sich/macht eynen
Bischof/eynen Cardinal darauß. Denn/wo er
die herrn vnd volgends die oberste heupter in iren
höfen nicht abgünstig hat / mag er wol eyn güts
mäctlin haben/Weyßs auch wol / dz eyn herr/ eyn
fürst/eyn hofrath/so eynen sin oder veteren hat
Geystlichs stands/nit gern soll helfen radtē/ das
obgenantē Stand nachteylig wäre. Ja er macht
sich so holdselig gegen die Potentaten / das sie im
zu gefallen etwa eynen fürsten ob statt/mit krieg
verhergen / des wir zu vnsern zeiten eyn ebenbild
gesehen . Vnnd wiewol sein/auch seiner vorfaren
art allezeit gewesen ist / zwischen den Monarchen
oueynig

oneynigheyt anzurichten / yedoch yetz wolt er sie
gern vergleichen / wie er sich annimpt / auß Keyner
andern vrsachen (wie es sich dan klärlich zu seiner
zeit erfinden soll) dann das er sie gegen seine wider
wertigemög samptlich zu feld außführen . Dann
wo er eygentlich wüßte / das es im daran fälen sol
te / (wie es dann on allen zweifel fälen wirdt) also
dann würd er in disem fall / wie in allen andern /
(namlich onwillen vñ krieg zwischen in zu erweck
en) seinen vorszaren nichts beuor geben .

Er machet auch heutigs tags Cardinal / da
vorhin Keyne gewesen / als newlich in Schotland .
Warumb ? Es dienet alles zur kuchen / vnd kan
nichts schaden . Hat aber die schrift solche mit wol
abcontrafeyt / da sie von der hülfschaft redet ? Wie
möcht eyn artiger / deutlicher / vnd bequemer wort
gebraucht werden ? Er weys es am aller besten /
die geschwinde vñnd gefährliche practicken / so er
heutigs tags in der welt fürnimpt vnd treibt / vor
ab mit den grossen heupten . Es wissens aber
auch etlich andere leut mehr . Neben dem / das er
sie mit eyds pflicht verbunden hat / nichts gegen
seinem Strül / weder mit rath / noch mit that für
zunemen / wie ob gemeldt / gewinnet er sie auch
heutigs tags / mit heyraten / mit bündtnüssen /
mit geschenck / mit verheyßungen / vñnd andern
gewissen vertroßungen . Es ist nicht so gar ver
borgen / vñ es wissen etliche leut / warumb die Po

rentaten noch mit jm halten / vnd auch kan die
schrift nit liegen / die von solcher Bülschaft redet.
Aber diß alles wirdt jm endtlich nit mögē helfen/
denn die schrift sagt / das die König vnd Herrn/
so es vorhin mit jm gehalten / werden eynen has
auf jm werffen / werden in blos vñ nackend lassen/
diweil Got den fürsten in sinm geben hat / allen
gewalt der gekrönten Bestien zu übergeben / so
lang bis des Herren wort volbracht ist / vnd wen
die von Got bestimpre zeit omb ist / alsdann gehet
der iamer an / vñ kompt der Bestien verdammis
gar plötzich / des die König vñ Herren / so mit je
gebüet haben / sich gar höchlich werden erschreck
en. Dergleichen auch die Kauffleut allenthalben
werden klagen vñ weynen / inn ansehung des
schnellen verderbens der Bestien / welches inen
mercklichen schaden vnd nachtreyl bringet / diweil
niemandt hinfürter ire wahr vñ güter Kauffer zc.

So dem nun also / vnd dweil clar am tag ist /
das er des Reichs zertrennung eyn eynige vrsach /
das er sein ampt verlassen vnd veracht / vnd sich
der weltlichen handel vndernommen / auch die welt
liche Oberkeyt von Got eingesetzt / mit krieg / mit
aufüren / mit lasterlichen practicken / zum höchsten
en veruolget / geplagt / vnd geängstet hat / das er /
vnd keyn ander / der ihenig ist / der sich über alles
erhaben / der sich in den tempel Gotis gesetzet / der
sich als eynen Got hat thun ehren / der Gots wort
vndere

vndertrucket vnd verdämpfet / der eyn newe lere/
stracks wider Got/erhaben/ vnd dieselbe ernstlich
zū halten/die leut gezwungen/ der den himel vñnd
alles verkauffet/der die ganze welt vrtylet / vñ
von niemandt hat wöllen geurtylet sein/der allen
schriften eyn maß geben/vñnd wie man dieselben
verstehen vñ auslegen soll/im alleyn zūgemasset
hat/der alle vnd yede Kirchengüter im zūeygnet/
dieselben durch die ganze welt austreylet / ver-
kauffet/vñnd solche onerbare handtirung damit
geübt hat/vñnd noch/das eynem darob grausam-
en solt/das er der ihenig ist/der das ältist Sacra-
ment/den Bestandt/item die Speisen/nach weis-
sagung des Apostels/verpotten hat/der nach ver-
pierung der Eelichen beiwohnung/zū allen schänt-
lichen/lästerlichen/vñnd bübischen leben/eynen ein-
gang gemacht/vñ den weg eröffnet hat/der auch
in obgenantem onsaubern leben/er vñ sein hauff/
am aller tiefsten begraben ist / der sein regiment
mit allem freuel gefüret/der yetz/so er entdecker ist/
wie der Apostel sagt/mit aller macht wider Got
stebet/der alle die/so sein bild nit anbetten/mit al-
lerley marter vñnd plagen veruolget/der das heyl-
sam wort Gotis verpeut zū lesen / der seine sacht
mit keyner Christlichen schrift noch billicheyt/son-
der alleyn mit gewalt vñ Tyrannischem wüten
heutigis tags verfechten will: So nun solchs al-
les/sag ich/am tag ist/wie dann eheliebende leut/

meins verhoffens / gern bekennen / solt vns billich
alle samptlich / vnd eyn yeden besonder / die gro-
ßeyt des lasters vnd gewels ermanen / vñ beweg-
en / gar keyn gemeynschaft mit jm zü haben / son-
der vor jm / als vor dem aller grausamsten vñnd
schändtlichsten menschen auf erden / zü fliehen / in
vnd seinen hauffen zü verlassen / als der gewislich
wirdt zü trümmern gehen. Vñ vor künfftigem übel
warner vns Got der barmhertzig / da er spricht: Ir
mein volck / meine außserkorne / fliehet auß der
grossen statt Babylon / da die geschmuckte diene
ire wonung hat / damit ir irer sunden vñnd laster /
auch irer straffung vnd verderbens mit teylhaftig
werden. Denn ire missethaten vnd sünden seind
biß gen himel aufgestigen / vñnd Got ist aller irer
laster eingedenck. Bezaler sie mit derselbē massen
wie sie euch gerhan hat / vñnd gebets ir zweyfach
nach iren wercken. Im trinckgeschirr / darin sie
iren onsaubern wein gemischt / vñ euch geschenck-
et hat / wöllent ir widerumb zweifach mischen vñ
schencken. Ye stolzer vnd hochfertiger sie gewesen
vñnd ye grössere wollust sie gehapt / ye grösseren
schmerzen wöllent ir antbin ic. Darauß dan ge-
wislich vnd onwidersprechlich zü beschliessen ist /
das der Endchrist / der widerwertige Gotis / fallen
muß / denn Got hats geredt / die schriften vnd pro-
pheeten / mit allen iren umbstenden / vnd zeychen /
schliessen eygentlich auf disen / vñ keynen andern.

Darumb

Darumb ist Keyn mittel da zu findē/ man soll
vnd kan sich auch nichts guts in jm versehen/ güte-
liche handlung mit jm zu pflegen/ ist vergeblich/
vñ unnötig. Mit seinem gift hat er die ganz welt
verderbt/ wie die schrift sagt / vnd derhalben will
Got in straffen. Ist aber mit eyn grausame strafe-
ung (wiewol es nur der anfang ist) das er über so
vilfeltig ansuchen/ ermahnen/ bittē/ schreiben/ klag-
en vnd weynen/ über so vil leiblicher warnungen/
yetz/ so vil iar/ auf seinem freuel / vñ verblendtem
wesen halstarrig pleibt / sich Keynes irthumbes/
Keyns onrechts/ Keyner mißhandlung schuldig er-
kennet/ sonder aller ding sorglos/ nichts trachtet/
dann wie er sein Tyrannisch Regiment mit ge-
walt vertädigen vnd erhalten mög.

Zu verhör will er nit komē/ auß Keyner andern
vsachen/ dann das er eygentlich verhoffet/ in dem
das die sache verzogen wirdt / vnd also ongeender
pleibt/ beyde partheien in Teutscher Nation/ sol-
len der massen gegen eynander verbittert werden/
das sie endlich mit gewalt zusamen lauffen / vnd
eynander grundtlich verderben.

Als dann würd er sein vorreyl ersehen / vnd
wenns dahin komen solt / würd man wol sehen/
was er mit den Monarchen practicieren würd.
In disen yetzigen leuffen / so er Teutsche Nation
also gespalten sibet/ trachtet er / wie man jr eynen
stoß geben möcht/ damit sie gar zu boden gieng.

Welt

Wilt derhalben an/vnnd verbitert eyne parthei
auf die andere/Keyner andern meynung/dan̄ das
es zūm angriff kōmen mög. Alsdann würd man
des Reformierens wol vergessen/meynet er. Vñ
es ist seiner falsche art nach wol zū erachtē/dieweil
man so heftig vnnd onnachlässig an in setzet/das
er alle weg/reuch/luft / mittel / vnd practicken zūm
fleissigsten sūchen vnd ereygen würdt/damit er nit
zū schanden werd/ehe würde er sich an den Türck
en hencken/dann solchs schlappens erwarten. Er
versihet sich wol / kōndt ers zūm angriff bringen/
das ye eyn teyl vndergehen würd / vnd so lang er
die gewaltigen mit im hat/versihet er sich eygent-
lich der victori. Lebent sich derhalben/vnnd ver-
heyst allen kriegskosten auß seinem seckel zū be-
zalen. Versamlet demnach eynen onmäßlichen
schatz/darauf er sich auch ganz vnd gar verlast/
vnd eben das gelt/so er durch onerbare lästerliche
weg vnder dem schein der heyligheyt zūsamē
bringt/das gold vnd silber/so er in Teutscher Na-
tion/nit on vnsern mercklichen schaden vñ schand
versamlet hat/ist er yetz bereyt vnnd lustig / vmb
vns endtlich zū vertilgen/auszütöylen. Der im
dis eingibt/der weys wol etwas mehr/vnd ist sein
alter schülmeyster. Es findet sich durch die histo-
rien/vnd wē gleich keyn histori vorhanden wāre/
zeygt doch die vernunft vnd tägliche erfahrung/
das vil mechtiger Königreich vnd andere Potentē
taten/

taten/durch innerliche vñ burgerliche zweispalt
abgang komen/vnd gar zü boden gangen seind.
Griechenland ist gründlich verderbt/da die mecht
rige stert Athenes/Sparta/ Corinthus/ Corcyra/
vñ deren mehr/eynander bekriegten. Da Julius
vnd Pompeius/beyde ehrgetzige/eynander mit
krieg vernolgten/war das Römisch Regiment
dermassen geschwächt vñ gemattet/auch solcher
hass vnd verbitterung vnder dem volck/das wo
sie sich eyn dritter mit gewalt zü inen genötigt/hette
sie leichtlich nach seinem willen mögen haben vñ
zwingen. Da das Reich/auf Orient/durch das
Nebenhaupt/auf Occident gewendet/wie obge
meldet/vñ das eynzig Reich/bestond zwey köpff
ig zü werden/hat es ye lenger ye mehr abgenom
en/wie kündig/vñ heutigs tags. Woher kompt
es? Das Italien/welchs etwa alle andere Nas
tionen vnd völcker mit krieg vnder sich gezwung
en hat/ yetz so gar nichts dem alten wesen gleich
sich/sonder von den frembden/von Teutschen/
Franzosen/Spaniern vnd andern bekrieget/ge
zwungen/regiret/gefressen vñ aufgesogen wirdt.
Ists nit von des wegen/das sie eynander die aug
en außbeissen/Keyner dem andern vertrauet/vnd
Gegenbündnis aufrichten?

Herauf gehet der heylig eynfeltig mann auß/
vñ lauret/wie er diß bei vns mög zü weg bringen.
Es hat im auch/leyd/zimlich biß anher glücklichet/
H vnd

vnd wo es dermassen eynen fůrgang gewinnen
soll / wie schon angefangen / wůrde er seinen lust
bűssen. Vor seinem vndergang (dem er nie so
nahe gewesen / den er so heftig fůrchtet) wolt er
gern eynen grossen donderschlag őrber Teutsche
Nation/die Barbaren/die im das spiel verderber
haben/sehen/der hoffnung vnnnd zůuersehens / er
můcht dem weter entkomen/vnd den aufgeregt
en streych eyn zeitlang versetzen vnd aufhalten.

Vnd wais ia dahin komen solt/das wie durch
einheimischen krieg eynander vertilgen/vnd also
beyde/das Reich/so őrber die fůnf hundert iar ytz
zů bei vns gewesen / vñ daneben alle freibeyt soltz
verlieren/wäre ia zů fůrchten / vnd gewislich dar
fůr zů halten/das solchs/vnsers misglaubens vñ
ondanckbarckeyt halben geschāhe. Solts aber ge
schehen/so můst es durch obgenanten weg vnnnd
mittel geschehen / namlich / durch einheimischen
krieg. Denn so lang zwischen den Stenden des
Reichs eynigheyt ist/haben sie sich vor frembder
Nation mit zůbesorgē. Solt aber ichts entstehen/
das solche grosse oneynigheyt zwischen inen er
wecket / das wůrd fůrnemlich des glaubens vnd
der Religion sach sein. Nun ist aber schon dahin
komen/das nimpt der heylig Vater zům vortel/
verbittert beyde partheien/die eyne durch sein wār
en/brennen vñ mōrden/durch abschneidung aller
hoffnung eyniger besserung / die andere/durch vil
giftig

güftig anbringen / durch geschenck / verheyffung /
vnd dergleichen mehr. Summa / er wolts gern
ins werck bringen. Alsdann würd er freiden von
vns nemen / würd vns mit frembden gesten bes
suchen / die on das nichts höhers erwarten vnd be
geren / dan das sie den weg zu vns möchten lernen /
wie wir zu iuen gelernet haben / würden vns mit
gleicher maß / ia mit grösserer vnd milterer bezala
en vnd widerumb einmessen. Man sagt / Wenn
eyn ding auf dem höchsten ist / so kompts darnach
widerumb in eyn absteigen. Es findet sich / das
die Teutschen vorzeiten eyn hart grob volck ge
wesen / männlich vnd streitbar seind sie alle zeit ge
wesen / aber dieweil sie sich zu der lere nach freien
künsten nit schickten / sonder alleyn sich der manns
heyt vñ stärke des leibs annamen vñ gebrauchte
en / waren sie etwas rauher / welches ihen doch zu
keyner verfleynung soll gedeuter werden. Dar
nach hat sichs begeben / das auf vns das Reich
komen / vnd das vnser Nation darnach mit der
zeit ye lenger ye mehr poliert / geschliffen / vnd höf
licher ward. Vnd als Got etwas besonders onge
zweifelt mit vns vorhat / ist bei vns / im Reich /
eyn wunderliche / newe / subtile kunst erfunden / die
Truckerei. Frieckenland vñ Italien haben etwa
grosse vernünfftige leut in allen künsten vñ handt
wercken gehabt / noch hat sich jr verstandt auf ges
melte stück nit mögen reychen / aber zu vnser zeit

vnd bei vns istts nit on sondere gnad des Herrn
erstlich funden/vñ gleich darauf/nachdem gemel
te inuention eyn mercklich vorreyl/hilff vñ stewart/
auch reytzung zu der lere mit sich bracht/hat man
angefangen die augen eyn wenig auf zu thun.
Es ist yederman wissend/vorab den alten/wie es
eyn arm/blind/barbarisch ding war vmb die lere/
alle gute künste waren iämerlich besudelt vnd ver
finstert.

Nachdem nun gemelt vorreyl bei vns erfund
en/hat sich die rechte lere/anfänglich der Latin
ischen/darnach auch etlicher andern sprachen/ber
für gethan. Eyn yed war begirig/etwas gründt
lich zu wissen/nit on groß verwundern ob voriger
blindheyt/vnd die so mit grösserm verstandt be
gab waren/beflissen sich/alle künste reyn zu be
greiffen/vnd dieselben volgends/entweder mündt
lich/oder schriftlich von sich zu lernen/vñ war eyn
lust/solchen ernst vñ fleiß allenthalben anzusehe.
Sardurch dann geschehen ist/das in kurtzen jare
en Teutsche Nation mercklich zugenomen/vnd
dermassen mit geleerten leuten geziret ist/das sie al
le andere Nationen übersteiget. Nach aufgang
vnd vernewerung der guten künsten/als den ge
wissen vorpotten eyner mercklichen zukünfftigen
veränderung/ist gleich darauf des Euangelipre
dig/auch bei vns im Reich geuolgt vñ angangē.
Haben sich demnach auch in disem stuck vnser
leut

lent dermassen geflossen/ das sie die Theology/ so
in disem geneynen verderben aller künsten/ gang
vnd gar veronreynt war/ widerumb reyn vnd
lauter herfür bracht/ also/ das eygentlich/ vñ mit
warheyt mag geredt werden/ das Got vns vor
andern sonderlich angesehen hat. Beschleiß dem
nach/ das Teutsche Nation nie höher gewesen/
weyß nit ob sie auch am höchsten ist. Vnd so dem
also/ wenn nun bei disem höchsten standt vñ wesen
Teutschland gar fridsam vnd gerüwig wäre/ so
müß vnd solt man doch/ in erwegung der onbes
stendigheyt aller ding auferden/ fürchten vñ wart
en/ es würd vns/ wie andern völcern gehen/ vnd
es würd in abgang komen. Denn/ nach der lere
aller vernünfftigen vnd weisen/ wenn das glück so
gar nach wunsch vñ willen zufaller/ solt man sich
nit alleyn nit erheben/ sonder auch allezeit fürcht
en/ es werde sich wenden. Siweil aber heutigs
tags/ gemelter hoher Standt bei vns nit frid
sam/ sonder onrühig vnd zerreylet ist/ wie vil
größere vrsach haben wir/ vns vmbzusehen/ vnd
zu fürchten/ Got der Herr/ der vns vor anderen so
reichlich begnadet/ vnd vnser Glori über alle an
dere Nationen hat thün leuchten/ werd in diser on
eynigheyt eyn end mit vns machen. Warauf ist
aber solcher grosser onwill gegründet? Wenn ia
yemandt im Reich sein solte/ dem mit warheyt
möcht aufgelegt werdē/ das er solche verderbliche

facel in seinem Vaterlandt anzündet/wer ia bil-
lich/vñ es würd die yezige notturft höchlich vor-
dern vnd zwingen/das solcher/wes stands er auch
wäre/dermassen gezüchtigt würd / das hinfürter
kryn weiter onfall noch gefährlichert seinenthalb
en zū fürchten wäre.

Wenn auch sonst etliche wären / wie vorzeiten
Julius vnd Pompeius/die die Stend zerreyten/
vnd Factiones aufriechten (wie dann yez noch in
Italien sich erhalten) hätte man ia dessen radt zū
volgen/ der da (wiewol onwissentlich) sagt / Es
ist besser/dz eyner od zween hinweg gethan werd-
en/dañ das eyn ganz volck / eyn ganze Nation/
vnd solche Nation / wie die vnser / gantzlich ver-
derbe. Nun ist aber mehr dann gewiß / das aller
irthumb/onwill/vnnd oneynigheyt/dem Neben-
haupt zū gefallen/geschehen. Sie rechte Gotis
lere/vnd seine gepot/hat er gefälschet / ia gar vn-
detrucket/vnd yez/so gemelte lere/nach weiffag
ung der schrift/widerumb aufgehet/erhept sich
der onwill. Er ist / noch kan vnser Nation nicht
hold sein/begert anders nichts/dañ vnser verderb-
en/dennoch Hofieren wir jm / vnnd seind eben auf
dem rechten weg/jm seinen lust zūbüßen / vnd eyn
schawspil anzüriechten/das er nun etliche iar so bee-
girtig ist zū sehen.

Alhie weys ich wol/das etliche werden sagen/
Es geschehe jm nit zū gefallen/vnnd sie lieffen jm
wol eyn

wol eyn güts iar haben zc. Dis sind eben die / so
sich diser zeit grosser kligheyt vnd weissheyt an-
nehmen / sind ondankbar / vnd schämen sich zu bes-
kennen / durch wen sie gelect vnd geschickt worden
sind. Man hat inen die augen aufgethan / vnd
yetz faren sie daber / als ob sie es von inen selbs on
frembde berichtung gelerner herren. Wolt gern
hören was sie vor funfzehen vnd zweynzig iare
en gewist vnd geglaubt haben. Yetz aber spotten
sie irer lerer / dōsffen darzu wol sagen / sie seien Nar-
ren / vnd es hab vil eyn andere meynung zc. Frag
sie dennoch / ob sie der schrift / das ist / den Propheetē
vñ Aposteln glauben? Glauben sie nun / frag sie /
nach dem die schrift mit hellen vnd außdrucklich
en Worten sagt / wie obgemelt / es werd eyn solcher
Komen / der dis vnd ihenes leret zc. wie dann vora-
hin zum lengsten verzelt ist. Vnd dweil solchs als
les auf Keynen andern / dan auf das Neben Haupt
mag gedeuret werden / warumb sie dem Geyst
Gotis nit platz vnd raum geben / warumb sie nit
eynen greuel haben vor im vnd seiner lere / auch
was auf seine lere gestifret vñ gegründet ist / war-
umb sie die ihenen / so Got darzu als instrument
gebraucht hat / durch welche er dis wunderbarlich
werck / seiner verheyssung nach / volbracht hat /
nit als frome erbare leut erkennen / mit gepülicher
danck sagung? Vorhin ist gesagt / wie der Wider-
sacher Gotis fallen werd / Solchs ist noch nit ges-
chehen

sehen/frag aber/ob im abbrochen sei? Ich meyn
ia/vnd mehr dann im lieb vnd nutz ist. Wie aber/
durch gewalt vnd heeres kraft? Meyn / aber on
spieß/on halberd vnd harnisch/ist der ihenig/so
vorhin allen gewalt über alle creaturen gehapt/
so vorhin Keyser vnd König/nach seinem wolge/
fallen/ein vnd abgesetzt/ia mit füßen getreten/
yetz d massen geschwächt/auch an seinem glimpf
vnd allem/in die gantz welt außgebreytet vnd
geschmähet/das er nicht wol weyß/ wo hin auß.
Frag/ob diß menschlich/oder aber für eyn zeychen
zu halten sei. Frag weiters / ob er solche schmach
vñ schand leidet/von wegen des/das er eyn erbar/
from / Gotsfürchtig leben fürer/das er Herren/
Fürsten/vnd andern/vmb irer mißhändel willen/
in seinen schriften oder predigen strafft? Denn
vmb solcher tugent willen / sein etwā vil fromer
leut veruolgt vnd vmbbracht. Diß hat er sich
nit zu beklagen. Warumb ifts aber? Der Herr
hats vorlengst gesagt/dz es im also gehen wirdt/
vnd ermanet ferer sein anfechter vnd widerwert
igen/das sie es im/ von wegen seiner onsäglichen
boßheyt/zweyfach widerumb geben/ wie dan yetz
geschehen/wiewol es nur der anfang ist. So dem
nun also/muß ia nottürftiglich volgen/dieweil er
zu boden gehen wirdt/vnd fallen muß / das alle
seine ler/leben/rhin vnd lassen bei Got dem recht
fertigen eyn grewel ist. Wie kan man im dann
mit gutem

mit gutem gewissen beistehen? Sie bekennen wol/
das er in vilen stücken onrecht hat/ aber/ sprechen
sie/2c. Wer hat sie des aber berichtet? Wie lang
ists das sie es wissen? Herten sie es vor etlicher
iaren dörffen träumen/ wo mans inen nicht mit
fingern gezeygt hette? So sie aber dennoch be-
kennen/ er hab inn etlichem onrecht 2c. warumb
denken sie irer weißheyt nach nicht weiters/ er
möcht wol in vil andern vnd grössern stücken/ so
sie noch nit gemerckt vnd gelernet/ onrecht hab-
en/ vorab so man inen doch klärlich beweiset/ das
die schrift dise ding alle bezeuget/ vñ sagt/ er könne
anders nichts dann lügen von sich lernen vñnd
glauben.

Was entschuldigung mögen dann haben/ die
sich im zū güte/ wider ire eygne glider/ müßbrüder/
gesellen/ vnd nachpauern im Reich/ solch iämere-
lich vnd verderblich spiel anfaben? Seind sie der
sachen nit wol berichtet/ solten sie inen ia nach-
forschen. Der Herr sagt den Juden/ da sie an im
zweifelten/ sie solten die schariften lesen/ so würden
sie gewisse zeugnüs von im sehen/ wie die Pro-
pheten vorlengest von im geredt. Sie yetzige
sache mit dem Nebenhaupt/ ist groß/ vñnd er-
schrecklich zū hören/ vñnd wer solts ye gemeynt
haben? Welcher aber die schrift lifet/ vñnd mit
erbarem gemüt anmercket/ der hat sich leichtlich
entschlossen/ San er sibets alles vor im gebildet/

vnd lernet in dem/wie er sich gar nit ärgeren/noch
entsetzen / sonder Got dem allmechtigen die eh:
geben soll/des fürsichtigheyt in allen dingē grund
loß/vnd mit menschlicher vernunft keyns wegs
zū begreiffen ist. Vnd dieweil die sach so wichtig
ist/wie sie selbs bekennen/ wie meynen sie dann et:
was fruchtbarlichs darinn zū handlen on vor:
gehende schrifft? In allen freyen künsten hat man
etliche sichere/ ongezwifelte regeln/ die nicht kōn:
nen fälen (man heysset sie *Maximas*) die müß
man anfanglichs wissen vnd lernen/ auch durch
vnd durch denselben nachuolgen. In dem yetzigt:
en handel/so etlichen duncker verworren sein/ müß
man auch vmb in zū entscheyden/dise regel vnd
Maximam/ eyn mal gewislich halten/ namlich/
Sas der ihenig/ deshalben sich heutigs tags mit
der Christenheyt/ vorab im Reich Teutscher Na:
tion/oneynigheyt erhalt (den das haupt der welt
lichen Oberkeyt / vnd den ganzen vermeynten
Geystlichen standt / hat er im mit eyd verpflichtet/
daher dann der zweyspalt entstehet / dieweil sie in
nit wol dörffen noch können verlassen) von dem
Apostel Paulo/vñ sonst an vilen örtern d schrifft/
eyn widerwertiger Gotis/eyn Neben oder Abgot/
eyn mensch der sünden/eyn verloren kund/eyn ges:
waltiger lugner/eyn verführer / eyn grosse diu/die
alle welt vergifret / genant wirdt / der auch nit on
groß verwundern der gewaltigen/so es mit im ge:
halten/

halten/erschrecklich von Got dem rechtfertigen/
heyngesücht/vnd zu boden gestossen werden solt.
Wen wir dise Maximam haben / vnd derselben/
wie dann von nöten / nachvolgen / ist ja clarlich
am tag/wie man sich yetz/ so sein iamer / vnd in
der schrift gemelt onglück / angehet/ gegen jm er-
seygen/auch was man von d lere/ so in demassen
zu schanden machet / vnd nach weiffagung der
schrift/also gewaltiglich vmbstoffer / halten soll.
Vnd auf dise meynung wäre mit denen zu hand-
len/so nit eygensinnig seind . Wie solt man aber
die achten/die gegen jr eygen gewissen freuenlich
heutigs tags/der warheyt vnd dem Geyst Gotis
widerspreche: Ich bin keyn Theologus professio-
ne/dörft aber (on alle vermessenheyt zu reden) vn-
derstehen / alle vorge von mir allegierte orter der
schrift/zü vertädigen/in massen wie obstehet/wolt
auch überaus gern hören / ob es möglich sei/die-
selben anders aufzulegen. Demnach streben sie
wider die helle warheyt / so yetzund scheint / wie
die Sonne im mittag/ Welchs sie thün züm teyl
vmb jres eygnen nutzcs willen/den es nit onkünd-
ig/wie jren etliche zü grossen ehren vnd reichthumb
dardurch komen seind/züm teyl auß eynem stolz
vnd hochmüt/der sie doch etwa theurgnüg kost-
en wirdt. Wolt aber Got / das es nur vmb sie zü
thün wäre / aber neben dem onaussprechlichen
schaden/so die falsche lere in der Religion mit sich

Bringt/dienen sie auch dem gemeynen Teutscher Nation feind/dem Nebenhaupt/dessen abgebetretzen/falschen/vnnd Tyrannischen gewalt/sie/über die helle offenbare schrift/über vernunft vnd billichert erheben/vnd fürtragen/stercken damit auch vnd vermehren täglichs vil gemelte oneynigheyt/die Teutscher Nation endtlichs verderben onzweifel zürichten wirdt.

Vor achtzehen iaren habē alle gemeyne Stende des Reichs/sampt Keyserlicher Maiestat statthalter/vil artickel vnnd beschwernis/an in (den Endtschriſt) thūn langen/mit fleißiger bitt/dieselben abzūstellen. Acht iar darnach/zū Augspurg/da Keyserliche Maiestat selbs mit allen Stenden des Reichs/in grosser mercklicher anzal erschienen/auf welche beikunft vnnd versammlung yeder man sich höchlich vertröſtet/der hoffnung/es solte etwas erörtert werden. Als es zur handlung kam/haben die/so dazū verordnet waren/sich zū keiner Disputation wöllen schicken/vnd sagten rond auß/Sie weren mit ̄meynung/vō irer lere/von alten fürgebrachten breuchen vnd gewonheiten der Kirchen/eynigs fals zū weichen/noch etwas darin verändern. Die Stende des Reichs hatten sich zūuor viler beschwernis vnnd grosser mißbreuch offentlich beclagt(in welchen Artickeln auch ertliche feind/darauf man den Endtschriſt erkennen) vñ dise/denen die sacht zū ergründen heymgeben

geben war/darauf yederman gaffet/wöllentichts
bekennen noch zulassen/vnnd muß also vmb era
licher bösen/stoltzen/hartneckigen köpff willen/
die lobliche Teutsche Nation heutigis tags inn
grosser fahr stehen/vnnd eynes dapfern backens
streychs erwarten. Können sie es leugnen? Ist
nit kündig/das sie auß irem neidischen/abgünst
igen/verbitterten gemüt/Herren vnd Fürsten in
dieser sachen faren wie sie wöllen? Die gnaden des
Herren seind nit eynesley/vñ die erkändnis Got
is kompt vom himel. Wen man aber bei gleich
nis/vnnd von andern güten künsten solt reden/
wer seind sie? was können sie machen? In welche
em stuck seind sie gegen vnd mit andern gelerten
des Endtchristis/vnd iren widerwertigen zu ver
gleichen? Man ziehe durch alle künst vnd sprach
en. Sie wissens wol/dörffen derhalben füß bei
mal nit setzen/denn sie würden den stuck nit halt
en. Singen also vnd pfeiffen nichts anders(auch
wider ir eygen gewissen) dann von des Lebens
haupts Oberkeyt/damit ye die propheetei erfüllet
werd. Alhie frag ich sie (wo es mir anders gebür
en will) ob solche Oberkeyt im zugehör oder nit.
Sagen sie ja/frag sie/warumb dann die ersten
vnd ältesten Bischöf gemelts orts/die gleich nach
der Apostel zeit gewest seind/ob genanten gewalt
vnnd auctoritet inen nit angemast haben/wie
kündig? frag/ob der gewalt/den sie im zümessen?

imerdar gleich groß/gleich vollkommen / vnd also/
wie zu vnsern zeiten/vnd wie sie in vertädigen/im
schwancck geweest sei? Ist er dan anfenglich nichts
vnd mehr dann gering gewesen (wie es dann die
lauter warheyt ist) frag sie/durch was mittel/vñ
zu welcher zeit er angefangen vnd aufkomen sei.
Ist im aber also (wie dan eygentlich war ist) das
er zu Keyser Carls zeiten/im iar dccxcviij. vnder
Leone dem dritten/Eleyner war/dan zur zeit Keyser
Heinrichs des dritten / im iar M. lxxiij. vnder
Gregorio dem sibenden / vñnd dazimal Eleyner/
dann darnach zur zeit Keyser Albrechts / im iar
M. ccxcviij. vnder Bonifacio dem achtsten/muß
ye bekant vnd zügelassen werden / das es eyn ons
sichere/ongegründre/falsche/angemachte vnd lose
sach alle zeit gewesen. Frag weiters / ob sie das
Edict Bonifacii des achten wollen vertädigen.
oder nit/da er spricht: Es sei eynem yeden/der ge
dencket selig zu werden/von nöten/im/vñnd eyn
em yeden Römischen Bischof in allem gehorsam
zu sein. Sagen sie ja (welchs doch eyn onmensch
liche/onerkörte schand sein würd) frag sie/war
umb dan erliche vil seiner vorfaren/solchs nit ge
porten/warumb sie den leuten/solchen norzweng
igen Artikel/als da der seelen heyl angelegen ist/
nit angezeygt haben/so doch eyn solcher gemeyn
er Seelforger / wie er dann will gehalten vnd ge
want sein / nichts in disem fall solt onangezeygt
lassen

lassen. Frag / wenns gleich etwas gelten solt / ob
man dennoch dem Bonifacio glauben solt : vñ
sach / Der Herr spricht: Welcher nit zürthür im
schaffstall gehet. der ist eyn dieb vnd mörder.

Wie ist aber Bonifacius in schaffstall komen :
Nit den rechten weg / denn es ist auch keyn schaf-
stall / sonder eyn mörder grub / Aber dennoch wie
ist er hinzu komen : Durch tugent : durch sein les-
re : durch eyn erbar Gotsfürchtig leben : durch
rechte onparteyliche wahl : hat mans jm müssen
antringen / wie etlichen andern fromen Bischöfen
vorzeiten : Ich halts nit. Wie dann : durch zart
berei vnd Necromancei ist er dazu komen / das ist
sein eingang / vñ ist onuerneynlich war. Wie hat
er aber eyn leben gefüret : Stoltz / Hochmütig / on-
trew / trözlig gegen yederman / auch gegen seine
mitbrüder / die Cardinel / gegen Keyser vnd Kün-
ig / vnd dermassen / das er auch vor grossen onlust
vnd rachgir gestorben / Dieweil er sich gegen dem
Künig auß Franckreich / von dem er onuersehen
lich des nachts auß dem schlaff gewecket / gefeng-
lich hinweg gefüret vñ gehalten ward / nit rechen
mocht. Sifer heyliger Vater hat obgenär Edict
gemacht / vnd wiewol seiner vorfahren etliche vil
dabin gerrachtet / auch gnügsam durch ire Se-
creten ziuersuchen geben / dz es dise meynung hab
en solt : dennoch ist keyner gewesen / ders so grob /
so außtrucklich / on alle umbrede / on schamrodz
zu werden

zu werden / gesagt vnd bevolhen hat / als ihener.
Wo siennu gemelt Edict wöllen handthaben /
sei inen heym geben. Sagen sie aber neyn dazu /
Frag ich / Warumb dann so vil vermeynte gelehr-
te / beyde Juristen vñ Theologi / obgenant Edict
mit so vilen schwären glosen vñ auslegungen be-
wert vnd beuestigt haben / welche man in Schül-
en vnd Kirchen mit grosser pracht gelesen vnd ge-
predigt hat? Seind sie nun in dem fall der meyno-
ung nit / frag ich sie / weñ / vñ wie sie bessers bericht
seind. Können sie anders sagen / dann das sie es
mit der zeit has gelernet haben? So bekennen sie
ia / dz sie es nit als wissen / das sie newlich zu schül-
en gewest seind / vnd keyn vrsach haben also fre-
uenlich auf irem dunckel zu beharren. Können od
wöllen sie es dan nit bewerren / volgt ia notzweg-
lich / das der Legislator gröblich gefelet hat. Wie
aber gefälet? Namlich / in eyner großwichtigen
sachen / als die vnser heyl vnd wolfart belangt / so
würdt er dann falsch vñ lügenhaftig erfunden.
Nun ist aber war / das seine nachkomme allesam-
en auf disen grund gebawet vñnd für gefaren
seind. So bekennen sie es könne nit bestehen / vñ
sagen doch / Es sei darumb der ganz orden nit zu
schenden. Wan zeyget inen aber mit fingern (vñ
sie könnens nit verneynen) das der Römischen
Kirchen verwalter ye lenger ye ärger / ye geyrziger /
ye stölzer / ye onleydlicher / ye tyrannischer / ye läst-
erlicher

erlicher imerdar worden seind. Wan zeyget inen/
das die schrift solchen stoltz/geitz/hochfart/tyran-
nei/vnd allerley laster eynem aufmessen (verstehe
nit eynen alleyn / sonder die ganze herrschung)
der sich vnderm schein der Gotseligheyt/als eynen
Got lassen ehren/vnd seine falsche Abgötische lere
mit gewalt solt vertädigen. Frag ob sie des Keyn
ebenbild zu vnsern zeiten ersehen mögen? Frag ob
eyn solcher / den die schrift so hell abmalet / dessen
ler vnd leben gar überein komen/wie es von im
geweiffagt ist / solchen gewalt haben soll / das er
heutigs tags/ da er nach aufweisung der schrift/
offenbaret vnd erkant worden ist / derhalben sich
dann grosser zweispalt erhebt / die leut zwingen
mög/nichts in allen disen sachen on in zu handeln
noch zu schliessen / so doch ungesweiffelt ist (vnn-
ders auch wol weyfs) wo die sachen durch ehrlieb-
ende leut solten erörtert werden/dz alle welt mord
vnd iamer über in vnnnd seinen anhang schreien
würdt. Frag auch / ob die ihenen / so täglichs mit
der schrift vmbgehen/so nun etwa zwentzig iar in
so vilen schriftlichen vnd mündlichen Disputa-
tionen sich gebraucht haben/ vnnnd derhalben on-
möglich ist/sie müssen vil dings sehen vnd merck-
en/dennoch mit sehenden augen blindt seind/vnd
auf eynem stoltz/alleyen schand vnd spott zu ver-
meiden/wöllen nichts bekennen noch nachlassen/
sond verbittern alle ding/vn setzen also Teutsche
E Nation

Nation zünor in grosse merckliche not/ob dieselbe
frag ich/irem Vaterlandt nit ongleich schädlicher
bürger seind/dann Carilina/ Cethagus/ vnd an-
dere mehr gewesen wären/ wo jr mitwillig blüt-
dürstig gemüt/eynen fürgang gewonnen hätte?
Ja freilich/vnd so vil mehr/das sie neben dem ver-
derben jres Vaterlands/auch die gemüt vnd ge-
wissen deren menschen/durch handthabung der
onchristlichen lere/in grosse fahr vnd verzweiften
füren. Ist nit cyn onmenschliche künheyt/das sie
noch heutigs tags/in diesem hellen licht der war-
heyt/vnnd yetz newlich/dörffen von sich schreiben
vñ leren/Es hab weder Keyser/noch Künig/noch
die ganze welt/keyn macht/ichrs in den yetzigen
mißhelln zñ schliessen/vnd wo etwas von jnen ge-
schlossen würd/sei nichtig? Vnd wöllen vns über
reden/wir müssen auf den warten/der von wegen
seins onerbarn lebens/seiner verfürischen lere/seins
er mistharen halben/nit alleyn das gericht nit be-
sitzen kan/sonder auch im gericht nit darff noch
will erscheinen?

Ist nit außser aller vernunft/das Teutsch-
land/franckreich/Spanien vnd andere/summa
ganze Europa/nit sollen so vil erbarheyt vnnd
geschicklicheyt haben/als cyn Consistorium von
xxx. oder mehr personen?

Wolt gern wissen/wenn grosse onleidliche miß-
brench vñ gebrechen sich allenthalben in den welt-
lichen

lichen Processen vñ rechtfertigungen erhielten/ob
maneynem Camer/ od andern Gericht/ da man
eygentlich wüß/das nit alleyn ongelerte/ sonder
auch hungerige vñd geitzige Richter wären/die
alles vmb gelts willen thäten/die von wegen irer
ongepüliche handlungē verdienet hätte gestraft
zu sein/die besserung vñd Reformirung gemelter
ding heymgeben vñd übertragen würd? Ich setz
den fall/das obgenant Consistorium/ bei vns im
land ist/vñd das also yederman sihet/wie sie alle/
zum wenigsten/die es alters vñ leibshalben thün
können/eyn solch leben führen/das eyn yeder sich
verwundert vñd spricht: Dese leut haben jr him
eleich auf erden / Es scheint das sie vermeynen
imerdar hie zu bleiben/ od aber das hernachmals
eyn freud noch wollust sei. Man sihet/wie sie sich
eyner ler/eyns predigens / eyns rechten Kirch
en ampts annemen/sonder / das all jr wesen vñd
ihm nur auf reichthumb vñ pracht gericht ist/
vñd auß dem leben / so sie öffentlich on alle schew
führen/auch/ auß irer gesellschaft so täglichs vmb
sie ist/leichtlich radren vñd abnemen kan / wie sie
daheym hauff halten / vñd sich aber darnach
zütregt/das yederman über sie klaget / vñd das
man dise ding müßt Reformiren/würds nit fast
lächerlich sein / wo man das vrtel an sie stellen
solt? Härteman nit gute sng vñd vrsach zu sag
en/Bünder ich ken dich wol / du bist nit der jheng

Der es thün solt / denn schlemmen / Bancquetiren /
mit Hüpschen Wetzzen Hofieren / die Post rennen
vmb Beneficia zu werben / vnd volgendts in aller
wollust lebē / solchs ist ewre sacht. Es will euch gar
übel anstehen zu reformiren / den wo jr solten recht
reformiren / müßten ewerer vil zu fuß lacqueien /
da jr yetzund eyn grosse anzal hüpscher hengst vñ
manesel / köstlich außgebuzet / haltent / vnd on-
mässigen pracht treibent. Mit was sügen / auch
was vrsachen besitzent jr so grosse güter? Was
können jr machen mehr / dan andere leut? Welche
schrift / welche bibel sagt / das jr eben vierzig / fünff-
zig vnd mehr tausent Ducaten iärlichen einkom-
ens haben müßt? Wers nit zu mache / das jr euch
mit eynem geringeren ließent benügen? Man
weyß ye wol / das ewer etliche vil auß ewerem Pa-
trimonio nit wol eynen Esel köndten ertheeren /
Suncket euch nit billich sein / das man dise ding
eyn wenig mässigt? Nun wir können wol eracht-
en / jr werden selbs nit anfahen / werdts verziehen /
so lang imer möglich. Die vernunft gibts / vñnd
jr thünt im nit recht. Wenn man aber eyns thät /
vnd euch versicheren würd / euch ewerer Gült vnd
Renthen nit zu entsetzen / vñnd das jr dargegen /
des Euangeli predig nit verhindert / auch nit also
wütent / vñ den rechten Kirchen dieneren / die dan
von nöten seind (dieweil jr nichts darzu thünt)
samt den armen / so vil ließent volgen auß ges-
meynen

meynen Kirchen gütern/das sie eyn ehliche vnder
haltung/vnd leibs narung hätten. Wie duncker
euch darumb: Es ist ye genug angeportet / jr se
hent wol wie es eyn zeit ist. Wie kompts nun/dz
jr auch hiezü nit verwilligt: Etliche vil meynen/
jr thuns darumb/das jr wol merckent/wo die rech
te ler allenthalben gepredigt würd / ewere sachen
würden ye lenger ye mehr abnemen / wie dann
schon auf vilen orten beschehen / vnd im fall/das
man euch vergönnen würd/ewere Renthen vnd
einkomen zü gebrauchen/so würds doch bei yeder
man eyn ansehens habē/ als das mans euch auß
gnaden/vnd wie die Juristen sagen/Precario/zü
ließ/vñ man möchts euch nemen / wo man wolt/
da jr euch yetzund grundt Herren vnd rechte besitz
er thümet. Wo jr dise fantasei vñ argwon darü
habent (lieben Herrn) ist wol zü ermessen/jr werde
euch nimer zü eyniger Reformation schicken wöl
len/sonder werdens bei Keyser/ Künigen vnd an
dern verhindern / werdent still vnd bänck in den
weg werffen/damit es ia nicht dahin come / wie jr
dann schon in groß verdencens komē seind/solchs
bis anher gethan zü haben / vñd noch/züm aller
fleissigsten. So hats nun bei vns eyn solche ge
stalt/dz wir auß hoher onuermeidlicher notturft
gerungen seind / eyn veränderung zü machen/
habens schon dahin bracht / dz yederman spricht/
es muß geschehen / od es muß eyn ärgers volgen.

Nun zu euch haben wir kein Hoffnung / Lösungs
auch nit haben / denn die lere vnd geschicklicheyt
haben jr nit / der gute will / so jr haben mögent / ist
durch geiz vnd pracht verderbt / vnd vmb ewer
eufferlich leben hats ein solche gestalt / das wir all
samen an euch müssen verweisen . Wie sollen
wir jm nun thun ? Wir haben so vil fromer / er-
barer / geleter vn geschickter leut / Fürsten / Rät
vnd andere / ia vil Fürsten selbs / die da sehen vnd
wissen / wie den dingen zu helfen wäre . Sollen
wir nit von euch mögen erlangen / das wir vnder
vns ein wesen aufrichten / damit Gots nam
geehret / alle falsche Abgöttische lere / vnd heuchelei
weg genommen würd / vnd wir in eynem freunt-
lichen leben / on Krieg vnd aufrur möchten leben ?

Wir wissens gemacht on ewer nachteyl . Das
gebirg scheydet vns / jr habent ein andern lust /
ein ander gemüt . Wir ginnen euch als guts / als
leyn verhindert vns nit an vnserm erbaren für-
nemen . Ir Könnet velleicht sonder vns / vnd wir
sonder euch wol leben . Daneben / so ist vnser N
tion nit die geringste / sonder die gewaltigste heutz
igs tags vnder allen andern / jr haben ye kein füg
noch grund vns zu verweisen / dz jr fromer / Gots
fürchtiger vnd geleter seind / dann wir andere .
Könnet jr / ewerer etwa dreissig oder vierzig be-
greiffen vnd schliessen / was gantz Italien (ewere
wohnung) ia hievor die ganze welt / glauben
vnd

vnd halten solt/ warumb solten wir vnder vns/
da etwa fünf oder sechs hundert/erbärer/geleitet/
aufgelesener leut zusamen werden komē/nit mög
en sehen/was zu vnserem heyl vnd wolfart/zū vi
ser Nation rüwe vnd friden dienet / vorab/ so wir
die schrifft vor augen haben/vñ die gemeyne wols
fart suchen/jr aber / was zu handthabung ewers
prachts/vnd Epicurischen lebens dienlich ist/ setz
ent vnd ordnent/ dieweil jr auch den grössern teyl
ongelernet seind.

Jr seind ia dermassen nie angesprengt words
en/wie yetz. Jr wissent euch züerinnern / wie ewere
vilfeltige anschlag/vnd wunderbarliche practicks
en in diser sachen/gerathen seind/jr fallent yeleng
er ye dieffer hinein / auch dermassen / das jr nicht
wissent/wie jr angreifen solt. Bekennets/dann
es ist doch kündig/wöllent jr nit/das jr der sachen
eynen güten friden hätten. Die alten/denen von
fünffzig vnd mehr iaren gedencet/sagen/sie hab
en oft gehört/es werd der Geystlich standt mit ge
walt/ia/wie sie sagen/ mit dem schwert reformirt
werden.

Wir wöllen aber darauf nit pawen/wiewol
dennoch die alten sprüch gemeynlich etwas wars
heyt auf sich haben / Wir wöllen euch auch mit
der schrifft/die von disen dingen redet / nit nötigen
dieweil eyns bei eu. b eben so vil als das ander
giltet/aber dennoch/wie duncket euch/schicken sich
die sachen

die sachen nit fast dahin? Wie oft ist euch hertz-
lichen leyd gewesen/vnd noch / das jr vor zwenzig
iaren nit zu der sachen gethan/vñ das angezünd-
et fewr außgeloschen habent? Sazumal war es
leichtlich zu thun. Warum habent jrs dann vns
derlassen? Entweder jr habents veracht / oder jr
habents nit mögen thun / habent jrs veracht/so
wissent jr am aller besten/obs euch leyd sei. Hab-
ent jrs aber nit mögen thun/hat man vrsach sich
zu verwunderen/woran es mangelt/ vorab/ so jr
selbs also gewaltig / vñ daneben alle Potentaten
erliche vil iar/vnd noch (wiewol nit alle) mit euch
gehapt/ bei welchen jr allen möglichen fleiß fürger-
wendet/vnd nichts habent vnderlassen. Dann
wo sie ewerer von nöten gehapt/vnd durch ewere
hend haben passiren müssen/ habent jr sie allezeit
genötigt/euch zu verheissen / gegen ewere / vñ
ewers Strils widerwertige/thätlich/vnd mit al-
lem ernst zu handlen. Das kömment jr ia nit leug-
nen. Was hat sie nun daran verhindert? Diser
zweyer eyns/entweder dz sie ewere practicken jnen
nit haben lassen gefallen / oder aber das sie von
wegen anderer zufallender beschwernis haben
müssen zusehen. Nun/diser verzug vñ hindernis
welchem reyl ist er am nützlichsten geweest? Ir bes-
dencken euch freilich nit fast/dan jr habent seidher
vil güter bisolin verlorren.

Wesh getröstent jr euch aber in allem disem on-
fal?

sal: Mit gewalt werden jr nichts können anfa-
hen/ jr habent zu lang geschlaffen / jr koment ye
lenger ye mehr in grössern argwon bei yederman/
je sehents vor augen. Oder aber verhoffent jr/sie
werden endtlich widerumb zu euch/ als zum rech-
ten schafstall komen? Sie fürchten sich übel vor
diesem stall/ vnd es gehet inen wie dem fuchß / der
zum lewen nit hinein wolt. Meynent jr dan/ Got
werds nit lang gestatten/ vnd werd bald eyn end
mit inen machen? Wolt euch nit radten darauf
zu warten/ es ist ungewiß/ vnd stehet darauf/ es
werde bei ewern leben nit geschehen/ vnd jr wolt-
ens gern bald eyn end haben. Das es aber unge-
wiß sei/ können jr euch selbs wol berichten. Dan
wie Got euch in ewern Epicurischen leben lange
zeit zugesehen vnd geduldet hat / also möcht ee
auch wol ewern widerwertigen eyn zeitlang zu
sehen. Yedoch wo jr vermeynent eyn güte sacht zu
haben/ vnd das jr deren vilfaltigen Artickeln geg-
en euch fürbracht/ gar entschuldigt seind/ thünd jr
im recht daran / Sonst wäre es euch zu radten/ jr
betten andere weg versücher. Ja wo jr das nicht
meysterlich können/ so wirds euch freilich keyner
nit lerē. Aber wie jr auch fürnemen/ so ist doch
alles vergeblich. Anfenglichs habent jr deren arm-
en/ ewerer widerwertigen / da sie noch eyn gering-
sufflin waren/ gar keyne gnad wöllen haben/
Doch hats euch Got in sinn geben/ das jr sie mit
2 sehenden

sehenden augen habent lassen zünemen vnd auf
wachsen/vñ ist nun dahin komen/das man ewer
nit mehr achtet. Auf allen ortern vnd beikunsten/
da von disen sachen gehandelt wirdt / seind jr ons
angenan / auch bei denen / die sich ewer noch an-
nehmen. Man haltet euch für onglückliche vögel/
die nimer keyn schön wetter singen. Man beyffet
euch dermaß wilkom/vnd gibt euch solch freunde-
lich geberd/ dz jr züm zweyten mal nit widerumb
koment. Ir wöllent den Richterstül besizen/vnd
müßent doch heraber. Vorhin gieng man euch
mit Creuz vñ mit fanen entgegen / yetz sibet
man euch über die achsel an. Hetrent irs vor
zwenzig iaren gemeynet? Wenn ewere Oratores
euch solche zeitung zuschreiben/oder mündlich erz-
zalen/wie ist euch zü müit? Vermeynent irs etwa
besser zü haben? Das sollent jr nit gedencen/jr
wöllent euch dan auf das alt sprüchlin vertrosten/
namlich: Sanct Peters schifflin wirdt etwa not
leiden/aber nit vndergehen zc. Das wirdt war
pleiben/Aber der das schifflin regirt / hat euch der
massen angelauffen/das euch freilich bang gnüg
ist. Wenn ewere widerpart nit mehr noch weiters
reden müßt/dann jr jnen zülaffen würden/hetren
jr eyn gewünschte sacht. Aber nun stebets darauf/
das eyn part die andere will zü kergern machen/
vnd solchs alles beweisen. Da wöllent sie es mit
euch versüchen/jr wolt aber nit anbeyssen/vñnd
gebent

geben nun diesen beschließlichen rath / das man
von allen diesen sachen / auf keynem Reichs noch
andern tag / sond auf künfftigem gemeynen Con
cilio / handeln solt. Man soll die andern Potenta
ten zu friden stellen / das Concilium zum fürder
lichsten aufschreiben vnd halten / Item gegen den
Türcken hilff vnd stewart allenthalben anbringen
en / vnd das gegenbündnus vermehren / vmb
ewern widerwertigen eyn schreckens zu machen /
als die der heyligen Apostolischen Kirchen schäd
licher seind / dann der Türck selbs ic. Ir wissent
euch wol zu erinnern / auf welchem ort jr diesen ans
schlag geben haben. Aber zum Concilio eilent jr
zu seer / lieben herren / vnd nement euch der sachen zu
hefftig an. Wie können jr die grosse sorg erleyde
en? Wenn man zur schlacht kompt / helt man ge
meynlich etliche scharmützel / vnd versüchet sich
vorhin. Darumb ist recht von denen bedacht
worden / die vor dem grossen grausamen gemeyn
en Concilio / welches jr so ernstlich vnd kläglich be
gerent / wie kündig / eyn gespräch zwischen beyden
parttheien angestellt haben / vmb zu sehen / wie es
sich schicken will. Vnd wiewol jr fast onlüstig dar
über gewest dannoch zum schein haben jr auch
dabin geschicket.

So hat man sich zum letzten (welchs doch mü
he vnd arbeit kostet hat) eyn wenig versüchet.
Durch ewere Oratorn vnd andere gesandren /

Habent jr ont zweifel wol verstanden / wie es zū-
gangen ist. Wie duncket euch aber darumb? Hab-
ent jr nit mit harten gesellen zū thun? Was sagt
euch das hertz? Es wäre schier noch d' beste radt/
wenn mans die leut überreden köndt / jr hertent
auf ewerer altē Conclusion stracks beharret/nam-
lich / Es sei gegen die ketzer nit zū disputieren zc.
Wo euch aber duncket/es wöll hinfürter nit mehr
gelten/wäre mein radt/ jr hertent mit jnen Com-
pouirt / es ist nit güt mit jnen schertzen/das leret
euch die erfahrung.

¶ Ewere geleerte vnd vorfester/wenns zū vers-
höz kompt/gehen also onartig mit d' sachen vmb/
das auch jre gesellen schamrot darüber werden/
vnd finden ewere widerwertige mit aller gegen-
wehrtz dermassen gerüstet/dz sie eyn entsetzens dar-
ab haben. Wie vermeynt jr dan auf eynem solch
en grossen Concalio zū bestehen? Wenn jr keyn
größer miracel thun/vnd keyn andere reden her
für bringen wöllent / dann jr noch bissher gethon
habent/wirds warlich seltsam zū gehen. Man ge-
statter euch nicht mehr Richter zū sein/die zeit ist
vmb/sonder man beklagt euch zūm höchsten / vñ
wills beweisen. Habent demnach zū erachten/
wie es euch zū ewigen zeiten grossen nachteyl ge-
peren wirdt/in solcher gemeyner grossen versam-
lung / öffentlich eyn solche schand einzulegen. Je
werdts aber mit dem Concilio/ob Got will/mit so-
ernstlich

ernstlich meynen/als jr euch annement/wie dann
auß ewerm gegebenē rathsschlag zu sehen ist. Dann
wie ist es möglich/zü eyuer zeit das Concilium zu
halten/vnd gegen den Türcken zu ziehen/wie jr
fürgebent? Es muß ye eyus vor/das ander nach
beschehen/samptlich kan es nit sein/das wissent jr
wol/sonst würdent jr wol still schweigen. Beim
Leone hat man darumb angesücht/aber er sieng
eyn ander spil an/das seidher vil tausent mensch-
en kostet hat/vnnd noch nit ausgespilot ist. Der
Adrianus war euch zu eynfelrig/jr mögēt wissen/
wie er sein end genommen hat. Der gleich nach im
komen ist/wer wolts gemeynt haben/Begeters
höchlich/vnd mochts nit erhalten. Vnnd dieweil
yederman kündig ist/wie er hauß gehalten hat/
darfs Keyner weitem erzalung. Ich hätte schier ver-
gessen/vō Julio nechst vor dem Leone/zü sagen.

Nach dem man lange zeit/vergeblich/bei im/
des Concilij halben/geworben/vnd aber die Wo-
narcken vnd Potentaten selber anfangen eyus
zu halten/was thut er? Schencket sie alle dem
Teufel/verbannet sie/vñ gab yederman gewalt/
auf sie/ire land vñ leut zu greiffen/vnd leben noch
heutigs tags etliche/die von wegen obgemeldts
Mandats/höchlich beschädigt seind. Hat er aber
das mal Keyn Concilium mögen leiden/da man
im an seiner lere vnd Religion nichts reformirent
sonder alleyn seinem wütenden/kriegischen/rollen

onsinnigen gemüt / eyn sichere maß setzen wolt/
wie ists gleublich / das jrs heutigs tags / da jr nicht
alleyn von wegen ewers onsauberen Epicurische
en lebens / sond auch der falschen ler vñ Religion/
dardurch jr die ganze welt verderbet / vnd Gotte
sch: zum höchsten geschmähet / item ewer vilfaltig
en vñ onausprechlichen tyranney halben / heftig
angeklagt / vñnd in die welt außgebreytet seind/
sollent mögen zülaffen / vorab / so jr das tyran
nisch / vñnd euch falschlich angemast vorteyl/
(Richter in allem / vñ über alles zū sein) verloren
habent? Auß was andern grundt / dann alleyn
das Concilium zū verhünderen / habent jr nun et
liche iar / die Monarchen gegen eynander gehezet
vnd verbittert? Können jrs verneynen? Haben
wir doch yetz vor vier oder fünf iaren / vmb das
Concilium angesüchet (sagen jr villicht) vñnd
vnser postschafft derhalbē an euch geschicket. Ich
dacht wol. Auß keyner andern vrsachen habent
jrs gerhan / lieben herren / dann das jr euch etwa
damit entschuldigen mögt. Ir sollent ewerer wid
erpart billich dancken / sie haben euch vernünfftig
vnd klüg gemacht. Wenn man die vergangene
ding mit den gegenwertigen vergleichet / hat man
sich desto bass zum künfftigen zū richten. Siewel
jr vermercket / das yederman über euch / des ver
zugs halben mit dem Concilio / klaget / habent jr
euch zum letzten verkünet / vñ eyn mal derhalbē
berauffer

Berauffser geschicket/vñ das bei yetzigem Paulo.
Bei seinem vorfahren habent jrs nit gethan / auß
sicht/ wie gleublich/man würds die leut nit kön-
nen überreden/das ers güt meynet. Bei dem yetzig
en habent jrs gewaget/bald nach seiner Election/
mit solchem bedenckē/on zweifel/Er ist new/man
kennet in noch nit / von wegen seins alters wurd
man in für eynen frömeren schalck achten/vñnd
das er frömer / auch der reformation begirig sei/
wirdt man etlicher maß vermercken auß seinem
newē Breuiario. Das ist nun die erste porschaft/
vñd als jr dieselbe heraußer geschicket / mögent jr
euch erinern/ob jr nit dazumal wissent/das schon
etwas auß der han war / das Concilium zü vers
hinderen. Zum anderen mal habent jr ganz eyn
gelegene zeit ereugt. Als die Monarchen (on wel
chenichs in dem fall geschehen mag) durch krieg
gegen eynander verbittert waren/habent jr wider
umb angehalten/vñd dieweil es onmöglich war/
seind jr desto künner worden / vñd damit ia nit ge-
sagt würd/wenns züm ärgsten komen solt/das jr
des verzugs eyn vsach werent / habent jr ewers
consciencz entledigt.

Nach nidergelegtem krieg habent jrs wider
umb gen Vincenz verordnet / vñd ist ia kläglich/
das niemandt dahin schicket. Vñnd abermal/da
mit jr ewerem gewissen genüg thärent / vñnd die
grosse affection zür kirchen erzeygen / habent jr
eyn

eyn Reformation gemacht / die man euch dara
nach glosieret hat / vnd habents mit gemelter Re
formation so wol troffen / dz sich ewer etliche auch
schammen / wiewol sie dennoch der heylig Vater
höchlich beschworen vnd vereydet hat / die war
heyt zu sagen.

Warumb gebent jr aber für / das ewere wider
wertige / der Christenheyt schädlicher seind / dann
die Türcken? Ist nicht darumb / das jr vor dem
Türcken zug / das end gern mit jnen sehen wöl
lent / dieweil sie euch so hart anligent? das müßent
jr ia bekenen / vorab / so jr in obgemeltem ewerem
radtschlag / neben andern / auch ermanet das geg
enbündniß zu stärken. Nun ob sie / oder aber jr /
der Christenheyt schädlicher seind / dan 8 Türck /
das wollen sie erörtert haben / vnd hettens gern
lang versüchet. Wöllent jr jnen aber zil geben bis
zum Conclio / so thünt jr wider euch selbst / dan in
mitler zeit werden sie imer dar zünemen / dieweil jr
zum Conclio noch nit fertig seind / wie glenblich.

Wenn sie bei vns wären / sag ich / gegenwertig /
vnd eyn solch leben füreten / wie sie dan thün / hät
te man nit auf dise weis mit jnen zu conuersiren /
wenn sie jnen solchen grossen gewalt würden an
massen? Ich weys aber nit / was man für fantas
sei vnd imagination / yetzund / so sie etwas weit
ers von vns seind / von jnen hat. Wenn sie in Ind
dien / vnd in Priester Johans land jren Stül hät
ten /

ten / so würd man meynen / es wäre noch grösser
beyligthumb. Sie habens übel versehen / das sie
sich so nahe bei vns Barbaren haben nider ge-
schlagen / wir seind eyn wenig rauhe / vnd wo wir
mercken / das es nit recht zugehet / sälen wir nit.
würden auch vülleicht so lang / vnnnd bis anher nit
gefäler haben / wo gemelte / des Nebenaupts vn-
fers feinds / vereydete vnd gedingte lohnschreiber /
mit solchen iren giftigen predigen vnd schriften /
wider jr eygen gewissen / Herren vnd Fürsten nit
verfüreten. Es müß freilich gar übel vmb vns
stehen / dieweil man / in so vil iaren / noch so vilen
Reichstragen / vnnnd andern beikunften / nit mehr
erhalten vñ außgericht hat. Vñ weñs dise meyn-
ung haben solt / wie sie dörfen von sich schreiben /
würds on alle mittel züm angriß komen. Wolt
Got / das yederman sehen möcht die grosse schand
vñ inury / so sie d gantz welt / vñ vorab Teursch-
er Nation hiemit anthün. Sie noturfft vnnnd ges-
meyne sabs / darin wir stehen / erfordert / das man
solchen predigern vñ schreibern eyn maß setze / den
wo sie vil gemelte Conclusion wolten verfechten
vnd billichen / weyss nit wie sie sich des bei fromen
eheliebenden leuten solten mögen entschuldigen /
oder auch mit ehren bestehen.

Gnedigste vñ Gnedige Herren / Es versehent
sich vil fromer leut / vnd verhoffen vnderthänig-
lich / L. Chur vñ f. Gnaden werden sich in gegen
wertigen

enwertigen irtumben vñ zweiffalt/zu erwegung
erzalter vnd andern mehr dingen/ deren **E. Chur**
vnd **F. Gnaden** auß hohem verstandt sich wissen
zu erinnern dermassen erzeygen/ das dem ihenen/
der alles vergifftet vnd verderbt hat/ wie die schrift
sagt/ der alle hoffnung eyniger besserung abschneid
et/ der anders nit sein kan/ dann wie er ist/ der in dis
sem/ von jm zugerichtem iamer / vnd gemeynem
ellend/nichts anders/ dann vnser verderben vnd
endlichen vndergang begeret/ an seiner hoffnung
vnd blutigem lust fällen wirdt. **Er** / vnd seine
vorfaren/habens vmb vns / vnd vnser Nation
dermassen verdienet / das man billiche vnd mehr
dan güngsame vsach hat / jm mit aufrichtigem
krieg/oder sonst / widerumb abzündringen / das er
vns mit lästerlichen practicken entzogen hat. Wil
man aber Got dem Almechtigen die rach beynt
geben / der in dann yetz augenscheinlich dabeynt
süchet/vnnd rechenshaft von jm fordert / seiner
weissagung nach/werden sich ye ewere **Chur** vnd
F. G. irem hohem vñ Adelichem verstandt nach/
wol können entschließen/vmb seinent willen nichts
anzufahen/das gmeynen Teutscher Nation wol
farr zuwider/vnnd sonst **E. Ch.** vnd **F. G.** auch
deren land vnd leut/ eynigs wegs nachteylig sein
möcht. Welchs dan also geschehen wirdt/wo sich
E. Ch. vnd **F. G.** auch alle andere Stend/ beyder
teyls/nit lassen zertrennen. **Es** werd in der yetzigen
Religion

Religion sachen gehandelt was da wolle/ nur dz
man sich nit zerteyle / den sonst würds vnd müßts
ongezweifelt dahinkomen/ das man etwa sagen
würd: Die Teutschen haben das Reich/ haben
grosse freibeyt gebapt / es ist eyn weydlich ding
vmb Teutschland gewesen.

Wir seind nie höher / auch dem fall nie näher
gewesen/dann yezund. Darumb will von nöts
en sein/allen fleiß vnd vernunft anzuwenden/ das
mit wir nit heraber stürzen/Wüssen auch in desto
grösseren sorgen stehen/vnd fleissiger aufwachen/
diewel erliche vil practicken herauf getrieben werd
en/wie obgemelt. Vnd wo eynige zeit ye gewesen
ist/das Teutschland grösser vernunft/trewen für
sichtigen radts / vñ seiner gerümpften dapperk eyt
von nöten gebapt/ists freilich die yezige zeit. Es
wirdt auch/ an dem/ so man sich hentigs tags/ in
disen groswichrigen sachen / gehalten vnnnd ent-
schliessen wirdt/gelegen sein/das E. Ch. vñ F. G.
entweder / ire alt hergebrachte freibeyt vnd Ober-
k eyt des Reichs / dergleichen / die Keyne lere des
Euangelij / vnnnd solche erleuchtung aller güten
künsten / oder aber eyn ewig Eygentumb/ eyn
wüste vermischung vnd verfinstern aller ding/
an ire erben/nachkomende / vnd die ganze poste-
ritet werden bringen. Es kan niemandt / vil we-
niger solche hochlöbliche Herren vnnnd Fürsten/
Die auß angebomen Adelicchem gemüt / ongern

W ij . eynige

eynige laster wolten billichen) mit keynem güren
gewissen / den ihenigen beistandtr vund vorschüb
thün / die wider all natürlich vnd Götlich Recht /
aus Tyrannischem mürtwillen / so vil fromer er
barer leut / vmb leib / lebē / vñ alle ire wolfart bring
en / vñ noch täglichs veruolgē / damit sie bei irem
Epicurischen leben onuerhindert mögen pleiben.

Wir welchem eynigen stuck (weñ sie gleich keyn
ander laster auf sich hetten) sie dermassen / Got
den Herrn ungezweifelt gegen sich erwecken vnd
reyzen / das / wo sie es möchten bedenccken / vnd nit
so hefftig verblindt wärē / inen billich darob grau
samen solt / Denn es ist ia mehr dann gewiß / das
Got der Rechtfertig / solch onschuldig blüt / so sie
vergießen / widerumb von inen fordern würdt.
Vnd onmöglich ist / das es vmb sie / vnd iren an
hang / endlich wol stehen mög. Gegen den ges
meynen der Christenheyt feind / den Türcken / ist
man hefftig verbittert / wie billich. Aber es ist nit
zū vermüthen / noch zū hoffen / das man glückselig
gegen inen et was werd außführen / so lang wir mit
dem ihenigen gegen inen streiten / vnd zū feld auß
ziehen / der Gotis nam vnd ehz / nicht kleynerē / ia
größere schmach vnd laster anthüt / dann eben der
ander / wie oben gnügsam erclärer ist. Vnd wo
glück da sein solt (wie vns dan die schüft verträöst
et) will von nöten sein / sich ganz von im abzū
söndern / in für den zū halten / der er ist / noch im seit
onchrist

onchristlich wüten nit zū gestatten/ sonder mit al-
lem ernst zū erzeygen / das er daran thüt / als eyn
rechtter widerwertiger Gotis . Hiemit thünd on
zweifel/ Got Dem Herrn/ E. Ch. vnd f. G.
eyn angenäm opfer/ vnd werden des bei iren nach
komenden eynen ewigen thüm vñ dancksagung
haben. Got & Herr tröwet gar ernstlich den ihen-
igen/so in vor den menschen verleugnen. Wie vil
mehr will er dann von denen bekant sein/denen er
land vñ leut beuolhen hat/dieselbigen/nit alleyn
in zeitlichen vnd burgerlichen sachen zū regieren/
vnd vor gewalt zū beschützen / sonder auch im
zwang zū halten / vnd zū fürsehen/das sie eyn er-
bar leben führen / vnd mit keyner falschen lere ver-
füret werde. In welchen dingen E. Ch. vñ f. G.
auch desto größern fleiß vñ auffehens sollen hab-
en/dieweil die ihenen/so sich der Kirchen berhüm-
en/den größern theyl der geschicklicheyt nit seind/
das sie es köndten / noch des gemüts / das sie es
woltten/noch der freihēyt vnd condition (dieweil
sie dem Nehenhaupt verpflichtet seind) das sie es
dörfften thün.

Vnd daran sollen sich E. Ch. vnd f. G. keyn
gunst noch geschenck / keyn fahr/ noch nichts auf
erden lassen verhindern. Für tugent soll eyn yeder
lust tragen/vnd darinn nichts anders/dann eben
die tugent/vnd sonst keyn andere nützung noch
vergeltung ansehen. Die gröste tugent aber/ die
¶ ij man

man heutigs tags/vñ zu aller zeit erzeygen mag/
ist dise/das man Gotis wort mit aller gebürender
reuerenz vnd dancksagung annimpt / vñnd im
dasselb vmb keyns dings willen auf erden last
benemen. Wie vil tausent seind je yetz/die sich der
Hellen bekandten warheyt nit döffen annemen?
Die eynen auß forcht/welche dann nach gestalt
vñ gelegenheyt der personen/mit eynerley ist/Sie
andere von des wegen/das sie mit dem wütenden
hauffen eynen verstandt vnd practick haben / vñ
von wegen der güten schlück vnd bislin/darauf
sie warten/sehent durch die finger/vnd sagen zum
beschluss / es hab eyn solche meynung/das man
im nit wol anders thün mög ic. Aber solch knecht
lich gemüt soll vom Adelichen geblüt gar weit
sein/vñ sollen L. Ch. vnd F. G. endlich beschließ
en/das bei jnen den wütenden/in der schrifft clärlich
en/vñ abgemaler/keyne hoffnung zu erwarten ist/
das in L. Ch. vnd F. G. hohem verstandt / auch
erbarem vñ dapferem gemüt / gantzer Teurscher
Nation trost/heyl vñ wolfart heutigs tags geleg
en/vñ glaublich ist / dz andere Nation/so L. Ch.
vñ F. G. yetz darein sehent / derselben tugent vnd
füßtrappen/wo etwas dapfers vñ fruchtbarlichs
entschlossen wirdt/nachvolgen werden/Ses sich
alle gürtberzige also zu L. Ch. vñ F. G. zum vn-
derthänigsten versehen/Sie ich hie mit dem All-
mechtigen in hohem glückseligem standt/lang-

wirig

wirig zu regieren / Beuilhe / mit vnderhänigster
Bitt / sie wöllent dises mein schreiben in Eynen ons
gnaden verstehen / sonder gnediglich bedenck
en / das es von mir vnderhänigster
trewer meynung be
schehen

ist.



Errata.

- A ij. in der ix. zeilen / für Demnach / lise dennoch.
C iij. in der xxiiij. zeilen / für Propheten / lise propheeten.
F iij. in der ix. zeilen / für vergönnens / lise vergönnets.
R iij. auf der andern seiten in der xxvj. zeilen / für bedencken / lise
bedanckens.

1810621

Faint, illegible text at the top of the page, possibly bleed-through from the reverse side.

Faint, illegible text in the middle of the page, possibly bleed-through from the reverse side.